

明三十家詩選二集



明三十家詩選二集卷七上

錢塘 汪 端 允莊輯

徐

燭 四十六首

燭字惟和閩縣人父梈以易學名家仕永寧令惟和領萬曆戊子鄉薦數上公車不第與弟燭刻意吟詠年三十九而卒有幔亭集十五卷又選閩中諸先輩詩名晉安風雅

謝在杭曰吾郡中詩似當以惟和爲冠其才情聲調足以伯仲高季迪所微憾者古體不及耳

張幼于曰惟和調匪偏長體必兼善力追古則盡滌時趨

朱錫鬯曰惟和力以唐人爲圭臬七絕原本王江寧  
聲調諧暢情至之語誦之蕩氣迴腸

沈確士曰惟和近體宗法唐人當詩道冗雜時遇之  
如沙礫中得簡珠也七絕尤勝在李庶子鄭都官之  
間

銅爵妓

銅臺遺令在。玉座主恩非。舊曲流哀管。餘香散舞衣。總帷  
空寂寞。羅綺失光輝。日日西陵望。君王歸不歸。  
忠愛之語勝於譏刺

集鄭氏烏石別墅

雖是居城市。却無城市喧。僧歸殘雨寺。樵度隔雲邨。花落

鳥聲寂。草多螢火繁。斜陽人散後。留鶴守柴門。  
大歷風調

春夜同錢叔達陳惟秦齋中雨坐

高齋開亂竹。孤燭坐潺湲。世味隨年減。浮生到夜閒。交應同白水。居未卜青山。坐惜連牀雨。相看似夢間。

三四真至可味

送林兆綸游武夷

飄飄鸞鶴羣。去謁武夷君。溪曲斜流月。峰多亂占雲。石牀深草色。玉簡翳苔文。半夜天壇上。一聲清磬聞。

度何嶺憶家

鄉淚正紛紛。猿聲日暮聞。孤峰遙聳翠。怪石自成文。憶弟吟春草。思親望白雲。投繻向關吏。何意學終軍。

亂後經電白縣有懷故園

一夜欃槍落。東南乍息兵。黃雲依舊壘。白骨委孤城。八口。

蠻煙路千。家野哭聲。故園殘月影。偏向馬頭明。

蒼勁  
有骨

### 歲暮懷鄭六初

忽忽歲云暮。天涯客未還。夢迴瓜步月。人隔秣陵關。驛路梅花瘦。空齋竹影閒。何時理歸棹。相對說青山。

### 樵川道中

停舟當薄暮。古寺報昏鐘。茅店斜臨水。柴門半倚松。煙蘿催暝色。霜葉老秋容。片月飛清影。寒山翠幾重。

### 送陳可棟還松溪

相見復離羣。一杯歌送君。輕紅辭荔火。寒翠夢松雲。樹影緣山轉。溪流向縣分。蟬聲修竹裏。明日不同聞。

### 送張孺愿之漳南

離亭柳正長。匹馬向臨漳。別路聞鶯語。遙空起蜃光。颶風吹海暗。蠻雨洗天涼。去去頻沽酒。茲行是瘴鄉。

晚至石竹山

尋真當薄暮。暝色滿松關。絕壁猿聲斷。遙空鶴影還。雲邊芳草路。花外夕陽山。漸覺仙都近。鐘聞翠靄間。

西湖立春

春柳未成陰。春風到武林。暖回鄒子律。病作越人吟。兒女他鄉淚。鶯花故國心。西湖有狂客。相對酒杯深。

旅次石頭岸

石頭城下水微茫。回首鄉關驛路長。瓜步烟波連斷靄。秦淮雲樹隔斜陽。秋高落木見村舍。夜靜寒潮到女墻。客裏

愁心已如此。一聞南雁更淒涼。

第六語用劉賓客詩意妙於運化

### 金陵故宮

先朝遺殿閉塵埃。零落空勞過客哀。五夜銅壺乾罷滴。六宮金鎖澀難開。翠華逝後全無跡。羅綺焚餘尚有灰。弓劍盡埋烟雨冷。椒房一半上莓苔。

此詠遜國時事

### 訪梅禹金秦淮客舍

舟過長干問客星。風流不用歎飄零。一秋桃葉居淮水。時同小。月。梅。花。夢。敬。亭。游。遍。南。朝。故。宮。地。繡。殘。西。竺。淨。名。經。

贈君欲折藏雅柳。滿目長堤何處青。

三四秀婉

### 金陵懷古

白門京闕舊山川。朱雀烏衣夕照邊。百代荒陵崩夜雨。六



朝遺殿鎖秋烟。臘脂歲久銷宮井。苔蘚春深繡御筵。往事  
淒涼無限淚。傷心最是建文年。

武夷溪口送惟起弟

青山遊侶散紛紛。况復臨歧遠送君。兩地雁鴻難顧影。一  
時鸞鶴總離羣。人從杜若洲邊去。路在桃花洞口分。明發  
登高各惆悵。鵝溪斜日幔亭雲。

陳价夫歸自崖州談粵中山水因懷舊游

朱門彈鋏動經年。醉向黎姬酒肆眠。笑語自存豪士氣。衣  
裳猶帶島夷烟。波羅老去甘於蜜。萋葉開時小似錢。十載  
游蹤俱是夢。不堪重聽舊山川。

送人還九江

送君西去路漫漫。二月東風拂玉鞍。彭蠡驚濤雲外聽。匡廬飛瀑月中看。天涯草色今猶短。驛路楊花尚未殘。不用臨歧倍惆悵。一尊還共醉長安。

送李太守擢憲滇南

昆明池水靜無波。擁傳新從棘道過。開府定能寬漢法。采詩曾不廢夷歌。趁墟滇客籠名市。納款蠻王象渡河。他日勒功留片碣。點蒼如黛石嵯峨。

送林叔度游支提寺

何年蹤跡別壺公。歲晚看山過霍童。客路杖藜殘雪裏。人家雞犬亂雲中。鐘聞下界諸天近。寺隱深林一徑通。遙想空門多勝事。半龕明月幾僧同。

得李伯實書知其移家金陵却寄

天涯久別正銷魂。忽爾開緘見淚痕。東粵梅花留去客。南朝芳草待王孫。春風入口依京國。夜月千山夢故園。往事傷心君莫問。臺城煙柳易黃昏。

送陸纂父山人還洞庭別業

他鄉相見又離羣。滿目西風落葉聞。二水空洲孤棹遠。三吳秋色一江分。白衣出郭金陵雨。綠酒看山震澤雲。從此游蹤各南北。月明無處不思君。

送張叔弢令羅浮

瓊海曾傳博望槎。惠陽爲政又攜家。琴牀半落姑仙雪。印匣全封葛令砂。輸稅山農冠箬葉。趁墟蠻女賣梅花。官閒

好作羅浮長。四百峰中早放衙。新穎

送僧

春風初動雪初晴。錫杖今朝出化城。萬里雲天孤鶴影。滿堤烟樹亂鶯聲。禪心客路隨流水。古院荒山閉月明。自是空門無定跡。河橋此別漫關情。

邀諸故人雨中集萬歲寺卽席送徐仲和歸錢塘

共酌清尊送客還。晚風吹雨暗禪關。綠波春草長途別。白社蓮花半日閒。家近雷峰烟外塔。夢迴天竺月中山。淨瓶分得楊枝贈。垂柳臨歧不用攀。

送人游吳楚

津亭烟柳綠垂絲。萬里關山匹馬遲。去國正當春盡後。登

樓多在日斜時。楚江草長悲鸚鵡。吳苑花深走鹿麋。話別  
何須共惆悵。秋風搖落是歸期。安雅合節無  
七子浮響

寄夏元成

故人別後忽經年。聞道衡門尚草玄。隋苑花明高士宅。廣  
陵濤滿孝廉船。一雙屐齒春雲外。兩地離心夕照邊。夜夜  
江南夢。江北燕城風雨柳塘烟。

葛震甫招游雨花臺

高臺千尺俯烟霞。却望當年舊帝家。百雉都城仍踞虎。六  
朝宮樹半棲鴉。雅雲邊淮水連天遠。林際鍾山帶郭斜。獨有  
空門不銷歇。至今猶落講壇花。

宿接筍峰道院

絕壁懸厓入杳冥。丹房長借白雲扃。地分六曲成三島。臺聳千層禮七星。暮靄晴飛巖瀑翠。秋煙寒隱石燈青。一聲獨鶴醒殘夢。臥聽黃庭半部經。

送張孺愿還四明

津亭歌罷酒杯空。目極遙天送斷鴻。馬上夕陽孤店柳。渡頭殘月半林楓。瘴雲漠漠辭閩北。鄉樹重重辨甬東。此日尊鱸歸計得。思家張翰怯秋風。

沙口夜泊

薄暮停橈水一灣。沽來村酒破愁顏。戍樓畫角吹霜落。別浦漁舟棹月還。幾點昏雅歸木杪。數家寒火出林間。漫言潘岳年猶少。憔悴西風鬢易斑。

送王玉生

作客生涯薄。依人去住難。春光無限好。空向異鄉看。黯然不盡

漂母祠

落落千金報。悠悠國士心。從今慚漂母。不敢過淮陰。

客中寒食

去歲燕山道。今年劔水濱。如何兩寒食。俱作異鄉人。

長門怨

芳草何時輦路通。長門花鳥自春風。祇緣薄命難承寵。豈是相如賦未工。

芋江驛樓送友人之白下

春風吹柳萬條斜。極目金陵隔暮霞。不必相思當後夜。片

帆開處。卽天涯。情文兼至  
沁人心脾

逢李大

偶向新豐市裏過。故人尊酒共悲歌。十年別淚知多少。不道相逢淚更多。

元夕懷李伯賢

往事傷心倍可憐。故人今夜渺雲天。燈光月色鞦韆影。已隔春風二十年。

郵亭殘花

征途微雨動春寒。片片飛花馬上殘。試問亭前來往客。幾人花在故園看。沈確士云。惟和絕句詞不必麗意。不必深而宛轉。關生覺一種至情。餘於意言之外。

彭城夜泊書事



十年此地幾經過。數點漁燈起棹歌。今夜月明聞鼓角，隔江帆影戰船多。

禦兒舟中別朗公

月下談深睡已遲。滿身涼露夜何其。雞聲未斷鐘聲起，又是江頭欲別時。

客中贈別

吳姬把酒唱離歌。一片愁心奈別何。莫怪相看頻下淚，江南春色已無多。

村中晚步

青山迴合抱清溪。村徑陰陰鳥自啼。落盡疎林秋色晚，水流楓葉過橋西。

寄弟

春風送客翻愁客。客路逢春不當春。寄語鶯聲休便老。天涯猶有未歸人。

似昌穀

宮詞

長信宮中玉漏微。綠楊枝上乳鶯飛。忽聞銀鑰開金鎖。殘月樓頭照舞衣。

徐

勑三十七首

勑初字惟起。更字興公。博學工詩。善草隸書。萬曆中與兄燧及曹能始狎。主閩中詞盟。後進皆稱興公詩派。所居鰲峰麓。客從竹間入。環堵蕭然。聚書至數萬卷。以布衣終。有鰲峰集二十六卷。又有筆精榕陰新

檢閩畫記諸書子延壽亦能詩

朱錫鬯曰嚴儀卿論詩謂詩有別才非關學也其言似是而非不學墻面安能作詩自公安竟陵派行空疎者得以藉口果爾則少陵何苦讀書破萬卷乎興公藏書甚富近已散佚余嘗見其遺籍大半點墨施鉛或題其端或跋其尾好學若是故其詩典雅清穩屏去麤浮淺俚之習與兄惟和足稱二難以此知興觀羣怨必學者而後工今有稱詩者問以七略四部茫然如墮雲霧顧好坐壇坫說詩其亦不自量矣汪端論曰幔亭鰲峰昆季詩並以青邱爲矩矱其古詩固不能逮近體風度清新神骨雋異頗造其域而

一氣渾成處亦復相去尙遠不免有桓宣武似劉司空之恨此蓋才力所限非二子之過也然當霧霾充塞時獨能不師僞體遠溯正宗可謂卓識絕人超然塵外者矣

棲雲寺

出自東郊門。蘿徑轉幽邃。剎影入層雲。雞聲落空翠。鐘響答松濤。鑪煙和花氣。斜日下遙岑。殘僧獨歸寺。

投宿山家

清流抱孤村。秋意澹林木。水急衝板橋。山空響飛瀑。殘葉澗邊黃。危峰天際綠。日落何處歸。人煙在修竹。

寓建陽福山寺

磴路層層入。招提夾兩山。栢侵陰殿綠。苔繡古墻斑。細雨  
蟲聲碎。微風蝶影閒。五更鐘韻杳。鄉夢屢催還。

送林叔度之甬東

春深柳可攀。送客出鄉關。不灑故人淚。恐傷游子顏。潮聲  
兩浙水。雲影四明山。莫謂風塵隔。相思魂夢間。

送僧歸日東

故國滄溟遠。鄉心島嶼孤。緇衣曬若木。白足踏寒蘆。海蜃  
噓香火。驪龍覲念珠。朝朝持誦處。初日照跏趺。

喜曹能始到家

廷尉官曹冷。三年寄秣陵。過家纔問寢。開社急邀朋。巷遶  
窮中住。山尋僻處登。維桑壇坫在。雅道賴君興。言外想見能始清節

宿幼孺招隱樓

林壑鬱重重。危闌俯萬松。亂花穿暗水。疎竹漏晴峰。遠火緣溪棹。斜陽過嶺鐘。招攜出蘿徑。踏破白雲蹤。

送人戍邊

天涯秋氣深。行子別家林。客淚月中笛。邊愁馬上碁。風沙連朔漠。鼙鼓散窮陰。後夜相思處。空聞塞雁音。

送人之燕

燕國八千里。送君離恨增。短衣粘雪片。孤棹觸冰稜。夜鎖沙河柵。寒光土屋燈。故園稀釣侶。秋浦掛魚罾。

宿鄧汝高翠微山房

精廬遙結翠微間。借得雲窗一夕閒。流水斷橋通古路。斜

陽殘磬下空。山犬聲似豹。聞茆舍螢火。隨人入竹關。桑柘滿村堪寄隱。與君吟臥却忘還。

旅次石頭岸

縹緲孤城見石頭。長淮雲水自悠悠。孤村柳色連荒驛。兩岸蘆花隱釣舟。殘月微鐘京口夜。澹煙疎雨秣陵秋。客中不盡懷鄉感。南雁一聲雙淚流。

絕妙好詞

送林吾宗之金陵

青絲游騎踏春蕪。二月王孫入舊都。柳色東風村店路。杏花微雨酒家壚。斷橋野草尋朱雀。古碣荒苔辨赤烏。載得紅粧歌子夜。寒潮雙槳莫愁湖。

五六冷雋

過林逸人故居

魂墮窮泉乍白頭。方山寒雨杜鵑愁。花飛古路松枝老，葉滿閒庭荔子秋。鶴夢不歸江上榻，蟲絲空網月邊樓。哭君剩有千行淚，瀨水無情日夜流。

送伯孺

千里西吳一騎輕。君行應是我歸程。孤身漂泊辭知己，八口饑寒仗友生。繞澗松篁天竺路，滿湖菱芡下菰城。旅游到處羞貧賤，好向人前諱姓名。

中二聯絕似青邱結語近弱所以不及

送俞本之游楚

寒臯木落水連天。雲際孤城望漢川。隔岸數聲湘女瑟，中流千里鄂君船。鷓鴣夜叫黃陵月，猿狖秋啼赤壁煙。挾得離騷經一卷，行吟長對楚江邊。



溪南訪鄭翰卿話舊

尋君迢遞歇羸驂。小閣疎窗對夕嵐。寄寓俗塵甘廡下。卜  
居名勝愛溪南。廿年舊事秋風淚。一片新愁夜雨談。相顧  
頭顱俱漸老。燈前悲喜總難堪。

過荆嶼訪族兄文統逸人村居

蹤跡經年懶入城。滿村麻苧綠陰晴。蝶尋野菜飛無力。蠶  
飽柔桑嚙有聲。半榻暮雲推枕臥。一犁春雨挾書耕。清高  
學得南州隱。不忝吾宗孺子名。

放翁  
合作

會稽懷古

獨上高城問廢興。萬家鱗次暮煙凝。斷碑碧蘚曹娥廟。古  
木蒼山夏禹陵。剡雪霏微迴客棹。樵風來往送漁燈。越王

霸業長銷歇。極目荒臺感慨增。

送康元龍之靈武

賀蘭山下戰塵收。君去征塗正值秋。落日故關秦上郡。斷  
煙殘壘漢靈州。羌兒射獵經河北。壯士吹笳怨隴頭。城窟  
莫教頻飲馬。水聲鳴咽動鄉愁。

黃河官路黑山程。羌笛橫吹漢月明。漠北烽煙三里霧。隴  
西鼙鼓十年兵。燕鴻度塞寒無影。代馬行沙暗有聲。後夜  
思君勞遠夢。朔風吹過白登城。

澄懷云二詩高亮警健無  
一懈句最近茂秦王李不

能也

巢雲院

石勢參差若累成。夕陽斜映海波平。苔封古路花深合。樹

懸厓葉倒生入院亂穿雲影去。上山遙逐澗聲行。巢居  
高士知何代。千古無人記姓名。寫景幽峭  
可入畫本

### 樵夫祠

十萬王師盡倒戈。秣陵非復漢山河。一時總逐新纓冕。何  
處能容舊斧柯。莫考姓名垂竹帛。空畱靈爽在煙蘿。荒祠  
近對秦淮水。誰與招魂賦九歌。

### 送沈廣文擢德清令

新懸墨綬謝青瑣。仙令栽花向雪川。處處勸耕黃稻雨。村  
村收繭綠桑煙。官清但飲雙溪水。吏散閒尋半月泉。莫戀  
彈琴寬賦稅。司農方急水衡錢。

### 閒居

竹滿簷楹草滿除。青山應屬野人居。未春預借看花騎。欲  
雨先徵種樹書。石鼎香酣吟懶後。瓦鐺茶熟夢迴初。半生  
消受清閒福。一任人嗔禮法疏。

曉渡彭蠡

彭蠡秋高水接天。征帆一片去茫然。蘆飛楚岸千重雪。樹  
擁康山幾點煙。報曙野雞殘月後。失羣寒雁曉霜前。客行  
不耐風波惡。魂斷漁歌到枕邊。

別謝在杭次韻

頻年作客若爲情。兩度題詩送我行。暮雨魂銷江雁影。西  
風腸斷峽猿聲。窮秋野柝雲邊驛。午夜清砧水畔城。從此  
相過蹤跡少。積芳亭上月空明。

圖南王孫移家西山賦贈

從來生長在朱門。今日移家入遠村。晴放好山當屋角。暗通流水過籬根。應門但委栖松鶴。摘果頻勞掛樹猿。只爲欲成鴻寶訣。故尋幽僻避塵喧。

送康季鷹之秣陵兼寄諸舊游

金陵京闕帝王州。走馬憐君是勝游。花底簫聲歌妓舫。柳邊旗影酒家樓。黃龍細辨前朝碣。白鷺遙尋隔水洲。舊事關情渾似夢。西風殘月石城秋。

送商孟和應試畱都

新柳如絲拂地齊。送君遙向石城西。春明草色迷牛首。秋老槐花上馬蹄。二月煙波移舫艫。六朝鐘磬認招提。讀書

借得憑虛閣。古埭霜寒聽曉雞。

二月晦日同人集玄曠山房分韻

春草芊芊綠未芟。別開芳墅隔塵凡。小樓斜倚將枯樹。絕磴傍通欲斷巖。寒信催花三月近。夕陽流影半峰銜。攜來茗碗堪供客。新啟旗槍白絹緘。

寄王百穀

吳門別後渺天涯。千里傳書客路賒。何日庵前談半偈。一瓶秋水白蓮花。

宮人斜

空山冥漠夜沉沉。多少芳魂不可尋。莫怨埋香在黃土。長

門更比墓門深。

朱笠亭云沉痛之至妙作慰語

寄惟和兄書

年荒八口苦饑寒。門戶支持事事難。  
藥債未還官稅迫。封題空自報平安。  
真至語自不覺其淺

松雪畫馬

宋室王孫粉墨工。銀鞍玉勒貌花驄。  
天閑十二真龍種。空自驕嘶向北風。  
諷諭深永

桃源

種得桃花洞裏居。子孫相約事耕鋤。  
采芝笑殺龐眉叟。輕出商山翼漢儲。

過弋陽

頗憶文房舊日題。餘干水落弋陽溪。  
平沙渺渺孤城在。朝

暮猶聞山鳥啼。

送友人之安南

落花飛絮委東流。春去行人不可留。却恨春風已歸去。豈能吹夢到交州。

從太白楊花落盡子規啼作脫胎佳在翻用其意

附錄

謝肇淛 十五首

肇淛字在杭福建長樂人舉萬曆壬辰進士除湖州推官遷南京刑部主事調兵部轉工部郎中視河張秋作北河記略詳載河流源委及歷代治河利病陞雲南參政歷廣西按察使至左布政使有小草堂集五十八卷又有史鐫百粵風土記支提山志彭山志



文海披沙五雜組塵餘小草齋詩話八閩巉政志諸書

王百穀曰在杭詩寄興微而綴詞雅取調古而命意新秀若可餐沃其堪挹穆如温如以雅以南

陸無從曰在杭詩冲融婉至深于性情

朱錫鬯曰在杭格不聳高而詩律極細其持論亦平漫興詩云徐陳里閤久相親鍾李湖湘非吾鄰丸泥久已封函谷怕見江東一片塵是時景陵派已盛行而在杭能距之又云石倉衣鉢自韋陶吳越從風赤幟高若問老夫成底事雪山銀海瀉秋濤此則在杭自任匪淺矣

汪端論曰明初閩中十才子專學盛唐萬厯間徐幔  
亭昆季曹石倉及在杭諸人則兼法錢劉元白并洪  
武諸家雖前後宗尚微有不同要皆精研格律無忝  
正聲在杭詩清圓俊朗遠勝王百穀而虞山深詆閩  
派庸熟蹈襲如出一手又謂在杭風調諧合得之百  
穀爲多其月旦顛倒如此絳雲一炬豈非天哉

雨霽寄陳隱君

新晴動花氣。鳥啼漳水春。出門見芳草。忽憶山中人。種藥  
斲雲母。煮石炊松薪。甲子誰能識。空山無四鄰。左司

望點蒼山

點蒼十九峰。一一芙蓉青。緜亘百餘里。疑張雲母屏。鳥道

當太白鐵壁排高冥。白雲繞其腹。玉帶橫萬釘。一峰一溪  
流。奔卸如建瓴。散入市廛間。家家鳴琮琤。遠近注眈隰。禾  
黍藉生成。陰厓四五月。積雪輝廣庭。陽光不到力。與造  
化爭。北麓產文石。玉質聲瓏玲。濃澹合圖畫。蒼素何分明。  
追琢豈天巧。醞釀誠地靈。馮河不可極。乖龍猶潛腥。林巒  
非一狀。蘭若芬連莖。相對不數武。空翠盈窗櫺。奇境趣自  
合。絕域心所輕。悠然獨長嘯。忘此支離形。陰厓四語  
逼似大蘇

借李元祉水部游蜀山

一水劃爲山。兩湖東西匯。漕渠貫其中。盈盈若衣帶。西湖  
漸成陸。東湖森無屈。千頃碧琉璃。風雲互變態。中流一卷  
石。突起砥湖漉。金鏡浮芙蓉。銀盤捧螺黛。荒祠久零落花

旛皆破敗。雞柵倚龜趺。燕泥凝佛背。開尊面南山。雲水澹  
相對。漁艇散復集。鳴榔出深瀨。蒲荇交亂流。帆檣繞天外。  
濤驚山影搖。波漾日光碎。帆如金焦間。疑在蓬壺內。憑虛  
倏往還。已隔人天界。浮雲何時閒。勝游與居會。回首空煙  
波。疎鐘隱林靄。奇峭

秋日邀龍君御同鍾伯敬林茂之賦詩君御將赴滄

中

營道寡高操。大音謝俗機。誰云京洛塵。而能緇素衣。前蹤  
旣云遠。後會安可希。斗酒自斟酌。蟹螯秋正肥。南陸有殘  
暑。西山無畱暉。不知松際月。已挂花間扉。雜坐忘罄折。緒  
談聞芳菲。君今赴河滄。戎馬生郊畿。紅顏誰見賞。青雲願

多違舊歡意未浹。新離淚仍揮。余亦倦游者。因之歌式微。

題吳興海天閣

在道場山

飛閣接天都。珠宮控太湖。山光圍百雉。野色入三吳。木落禽聲盡。雲崩壘勢孤。東南多王氣。迴首起棲烏。

徐興公云第六語爲

時人傳誦

送徐興公還家

楓落空江生凍煙。西風羸馬不勝鞭。冰消浙水知家近。春到聞山在客先。斜日雁邊看故國。孤帆雪裏過殘年。憐余久負寒鷗約。魂夢從君碧海天。

新雋

寄吳中友人

曾從紫氣識龍文。忽見新詩過所聞。老去自慚牛馬走。書

來猶問鹿麋羣。春城樹色連吳苑。夜雨鴻聲。叫海雲。荔子輕紅。榕葉綠。相期同拜武夷君。

十月吳江舟中晚望

年年改歲長爲客。無奈愁心付酒缸。寒雁背風歸越渚。孤帆帶雨下吳江。黃知雨後柑三寸。白起沙邊鷺一雙。日落洞庭天似水。青山無數入船窗。

送孫子長之澣墅

度支使者權吳關。飽看姑蘇郭外山。稅減任教商舶過。吏稀長對戟門閒。灣中銷夏畱僧住。橋上行春載鶴還。西望吳興衣帶水。舊時玉笋已成斑。

屬對巧雋

春怨

長信多春草。愁中次第生。君王行不到。漸與玉階平。

秋怨

明月憐團扇。西風怯綺羅。低垂雲母帳。不忍見銀河。似崔國輔

詩小

錢塘逢康元龍

黃梅細雨暗江關。我入西吳君欲還。馬上相逢須盡醉。明朝知隔幾重山。

春日遡汝河作

東風殘雪繫蘭橈。滿目山川對寂寥。記得門前春水滿。美人蕉壓赤闌橋。

廬江道中見風沙

四野黃塵欲暮天。行人駐馬淚潸然。自從歸去江南路，不見風沙已一年。

淮上送友

輕黃柳色綠煙含。欲折行人自不堪。兩岸梨花寒食雨，孤舟今夜泊淮南。

林章十四首

章字初文，福清人。幼警敏，負奇氣，善屬文。嘉靖末，倭寇犯閩，初文年十三，上書督府，求自試行間。萬曆癸酉，舉於鄉，累上公車，不第。走塞上，從戚繼光游。座上作灤陽宴別序，酒未三巡，詩序並就，戚持千金爲壽。緣手散去，挈家寓金陵，憤南曹曲法，斷獄奮臂直之。



坐繫獄三年始出會有海警宣兩抗疏陳用兵之策又  
請停止礦稅帝頗感動下內閣票擬舉行沈一貫承  
中人指閣其事密揭請逮治下獄暴卒有林孝廉集  
二子君遷古度皆能詩

曹能始曰初文詩如千山風雨裏一任子規啼曉煙  
長帶雨夜月忽啼鴉客情似春草無處不堪生皆絕  
酸楚

周元亮曰初文才情淒婉

汪端論曰初文詩陶冶未精時露麤率然在閩派中  
能以偏師制勝頗覺卓犖有奇氣唯以激昂自負罔  
識藏器待時見嫉壬人卒填牢戶惜哉

白雲觀秋夜

俯仰成何事。浮沉寄此身。無家逢寺好。多病見僧親。夜久  
霜欺客。庭空月礙人。西風數相過。不掃化衣塵。生新而不  
墮鍾譚習

氣

舟中別張仲豫

昨日淮南客。今朝江上還。離亭一杯酒。去棹萬重山。雲樹  
故人意。風塵游子顏。未知攜手處。莫惜暫追攀。

潯陽江樓

楚天愁思入秋多。落日危樓奈客何。九派江聲都帶雨。二  
孤山色半含波。霜前薜荔猶堪采。露下蒹葭不可歌。曾到  
漢陽峰頂望。十年蹤跡片鴻過。

吳門秋日送族人南還

百花洲畔木蘭船。杯酒西風思黯然。客似長卿游已倦。人如小謝別堪憐。江城暮色初回月。野樹秋聲盡入蟬。明日姑蘇臺上望。片帆落處是南天。

潛山送友還閩

草草相逢楚澤西。紅亭綠酒又分攜。人生底事憐雞肋。客路長教怨馬蹄。舒子州前檉葉暗。越王城裏荔枝齊。十年歸夢如流水。一夜隨君下建溪。

宮怨

永巷春三月。寒鴉時一聽。不知楊柳色。門外可曾青。

寄情

儂生不如柳。君情那似春。春風與柳樹。年年是故人。子夜遺音

秋思

秋月何娟娟。一輪冰鏡冷。人心照不見。照見人孤影。

送別

相送到江干。淒其風又雨。淚下沾君衣。看君不能語。

渡江

不待東風不待潮。渡江十里九停橈。不知今夜秦淮水。送

到揚州第幾橋。澄懷云神來之作  
梅禹金極稱之

楊柳枝詞

楊柳青青灞水濱。春來日日送行人。東風不與長爲主。送

盡行人却送春。中有八首  
所刺

宮詞

一入長門十二秋。自憐顏色未曾愁。朝朝流水宮前過，不肯題詩葉上頭。自占身分

題畫羊

三百羣中步獨先，高鳴時向白雲天。會從北海風霜裏，伴過蘇卿十九年。澄懷云：此初文八歲時作，其師曰：是子他日必忠而苦節者也。後果然。

元旦

千官春珮擁朝班，萬國歡聲動聖顏。獨有縑臣無祝處，隔牆遙拜孝陵山。

謝三秀十七首

三秀字君采，貴竹人。萬歷間學官，有雪鴻集。

李本寧曰君采詩觸境生情緣情體物格整而不滯  
氣雄而不亢旨深而不晦致清而不薄辭麗而不浮  
此治世遺音也

朱錫鬯曰君采詩甚清穩由其生於天末習染全無  
此黔人之軼倫超羣者

汪端論曰明代黔中以詩名者絕少亦由其地遐僻  
無人選錄君采詩意妍雅足與在杭頡頏故以附於  
閩派可謂孤芳獨秀矣

晚汎蕭湖尋宋人虞仲房石壁

川光鬱初霽野航恰受客天空斷雁哀水落寒沙積絕峽  
響飛泉飄颻正練白涼葉不禁霜楓林還槭槭輟擢湖之

陰突兀見瑤碧。况疑太始雪。拔地起百尺。登眺極人目。了  
了晰阡陌。胡爲水窮處。乃有此奇石。昔聞避地者。於焉卜  
其宅。愛茲雲木秀。重以巖潭僻。靡旦匪蘭橈。或時仍柘屐。  
遺詠蝕苔紋。風流已陳跡。高躅杳難攀。我來徒惋惜。商飈  
增暮寒。旨酒若爲適。興盡鼓柁歸。滄浪黠將夕。

游雁山夜宿湖霧人家

晨披溫嶠岑。夕息湖霧里。寒月隨潮來。潮平月如砥。野燒  
晰迴阡。墟煙浮近市。客子解征衫。徒御輟行軌。素壁耿殘  
燈。不眠中夜起。延眺極巔岫。芙蓉宛相似。去矣石門潭。幽  
尋從此始。寒月二語眼前  
妙境不假雕飾

焦溪雨渡

遠岸平蕪綠。寒流似若耶。雨深人喚渡。春老客思家。野葛牽青蔓。溪藤落紫花。浮名是何物。漂泊又天涯。

答贈崔公超

慷慨說從軍。將邀塞上勲。少年頻結客。末路始逢君。才美游梁賦。名高論蜀文。劔歌當此別。易水漲秋雲。伉健

晚宿積翠閣

佛火照松壇。山深襖被寒。草蟲喧夜枕。林果薦秋盤。曠望情彌適。幽棲夢亦安。新霜太無賴。木葉已微丹。

洞庭夜泊石門對月

平湖涵霽景。涼月漾晴暉。樹極長天盡。雲歸別島微。燈前秋社燕。夢裏故山薇。誰念滄洲客。飄零未授衣。



西庵徑中萬竹翛然喜而賦此

負杖入深竹。一盤仍一盤。鄰僧分路去。野客到門看。不雨夜尤綠。無風夏亦寒。素琴多遠思。宜對此君彈。

辰陽晚泊

春流似建瓴。春色晚冥冥。溪菜盤餐滑。江魚七箸腥。月來沙漸白。煙斂樹猶青。漁父方舟處。聞歌愧獨醒。

秋日同友人拈舟至惠衆寺看竹作

川路忽行盡。榜船秋樹根。斷煙生絕壑。殘日下空村。蕩近多逢雁。峰高獨聽猿。杖藜因看竹。夜叩老僧門。

蘭谿舟中臥病

細雨平蕪綠。空江春較遲。孤舟人臥處。二月燕來時。病骨

黃花瘦。愁心明月知。悠悠湖上約。又負采芳期。

游韜光庵小憩餐霞閣

閣敞層陰磴道斜。芒鞋步步入青霞。山中雨散仍飛瀑。林下春歸尙落花。招隱舊聞叢桂賦。采真今到赤松家。石泉槐火閒相稱。坐對風爐自煮茶。

三四秀色天然如空翠欲滴鍊句神品

畱別開府青螺郭公

客情秋色共蒼蒼。耐可離筵菊正黃。爲訪杜蘅先過楚。敢云辭賦重游梁。孤猿夜嘯千峰月。匹馬寒嘶萬里霜。前路總令知己在。憐才誰似郭汾陽。

澧蘭道中

做裘蕭瑟劒裝輕。一望平蕪愴客情。楊柳津亭聊駐馬。黎

花村館漸聞鶯。家家換火榆。煙溼處處收茶穀。雨晴江國采芳。三月路春江如練。繞春城。寫景明麗

送陳孝先東歸

壯圖容易與心違。握手離亭淚自揮。鳥外諸峰乘雨出。馬前殘葉帶霜飛。三年作客空彈鋏。九月還家正授衣。世路茫茫誰國士。君歸吾亦問漁磯。

憩桃花源賦畱亭子上

迢迢梯路接仙源。峭壁飛蘿翠可捫。樹裏人家非避世。眼前雞犬尚成村。花隨流水春無跡。月到空山夜有痕。安得結茅歌小隱。自鉏黃獨住雲根。

夜宿西村人家

西村襍被酒初香。寒逼莎雞漸入牀。深巷犬聲如豹吠。空  
田鶴影似人長。山樓笛起家。家。家。月。野浦砧殘夜。夜。霜垂老  
生涯耕稼在。衡茆吾擬托柴桑。

贈周允慶山人

君年七十  
工繪事

山翁垂老醉爲鄉。日掃藤花臥石牀。兩鬢鏡中窺素雪。千  
峰燈下染元霜。評詩僧去蒲團冷。看畫人來茗汁香。自說  
徑松皆手種。茯苓如股兔絲長。

居

節

九首

節字士貞。吳縣人。少從文衡山游學。其書畫家故隸

織局。織監孫隆聞其名。召見士貞。不肯往。孫怒。坐以

逋帑。拘係破家。僦居半塘。數椽蕭然。所與游多山人。

衲子性落落。寡諧每過辰。未舉火吟嘯。自若年六十。  
以窮死有牧豕集。

朱錫鬯曰。商谷繩削斤斤不失晚。唐家數。

### 晚坐

鴉背夕陽盡。柴門暮色初。山寒漸風露。人語半樵漁。落葉  
聞砧急。蘆花映月疎。年年楚江上。不見雁將書。

### 春寒

重樓燕子隔天涯。五柳陰疎未聚鴉。十日春寒淹雨雪。幾  
番風信到梨花。橫塘水長聽鶯處。小巷泥深賣酒家。多少  
朱門咽絃管。沉香火底按琵琶。似韋端已

### 穀日感懷

穀日條風喜及晴。東臯南隴已春生。少從劔客游三輔。老  
傍田家卜五行。衣食有端終歲計。江山信美故園情。蹉跎  
十畝桑陰地。慚媿花林鳥勸耕。三四  
跌宕

暮歸書事

竹溪蘿徑自幽清。片片山衣細靄生。薄暮園廬半煙火。高  
原禾黍正秋晴。遙看綠酒懸帘賣。未辦青錢拄杖行。新月  
柴門牛背笛。澹雲紅樹總詩情。

對雪

老樹荒村鳥雀稀。隔溪茆屋午煙微。黃雲壓地門深閉。積  
雪滿山樵未歸。一樹梅花閒覓句。十年湖海歎無衣。釣魚  
却憶披蓑客。小艇寒江興不違。

壬午元旦

鐘鼓高城送臘徂。雲霞曙色上桃符。日隨歲月開三始。春  
與鶯花到五湖。借宅南山非捷徑。對人故態是狂奴。依然  
舊識東風面。柳眼青青向酒壚。兀傲自喜

秋日

槿花委露渚。蓮愁無復紅粧蕩。小舟濃澹雲山堪入畫。蕭  
閒門徑自宜秋。當時載酒人如鶴。昨夜吹簫月滿樓。鴻雁  
欲來江欲冷。白蘋風起思悠悠。

重題自畫小景贈戴子文去畫時四十年矣

點染青山四十年。寸縑不改舊風煙。散人漫竊江湖號。未  
買松江一釣船。又有句云一飽年來非易得。五湖無地可躬耕。苦節而貞作者有焉。

雪中送元縉

金昌西望卽天涯。寒滿扁舟去路賒。瓜步沙頭莫迴首。一江風雪似楊花。

爲末五將令白蕙風致思悠悠

開門對自宜淋當補難醒入城曾和素元爲長都對高州  
謝芬交霜消盡愁飛身孫排葛小批此

春日

詩篇東風面欸別青青向西巖

自巖下巖

東巖下巖下巖巖字南山非其巖樓人必激去到效之幾  
前地高懸差懸孤雲霞都色土如谷日朗欲只關三微病



明三十家詩選二集卷七下

錢塘汪端允莊輯

曹學佺 二十五首

學佺字能始侯官人弱冠舉萬曆乙未進士除戶部  
主事移南大理寺副轉南戶部郎中出爲四川右參  
政轉浙江按察使天啟二年降調廣西參議初挺擊  
獄興劉廷元等主瘋顛公著野史紀略直書其事本  
末至六年秋公遷陝西副使未行廷元希魏忠賢指  
劾公著書誹謗遂除名爲民燬其鏤板大吏揣公必  
得重禍羈畱以待已知忠賢無意殺之乃得釋歸崇  
禎中起廣西副使力辭不就家居二十年著書甚富

嘗謂二氏有藏吾儒何獨無欲修儒藏與之鼎立采  
擷四庫書因類分輯十餘年功未及竣而明亡唐王  
立於閩中起授太常卿遷禮部侍郎兼侍講學士進  
尚書加太子太保及四王師下閩入山中自經而卒  
年七十四乾隆中通諡忠節所著有石倉詩文集一  
百卷又有周易可說七卷書傳會衷十卷詩經質疑  
六卷春秋闡義十二卷春秋義略三卷一統名勝志  
一百九十八卷蜀中人物記六卷蜀漢地理補二卷  
蜀郡縣古今通釋四卷蜀中風土記四卷方物記十  
二卷蜀中詩話八卷蜀畫苑四卷蜀中高僧記十卷  
十二代詩選八百八十八卷

古詩十三卷唐詩一百  
十卷宋詩一百七卷元

詩五十卷明詩一集八十六卷二集一百四十卷三集一百卷四集一百三十二卷五集五十卷六集一

卷百

葉進卿曰能始刻意三百篇取材漢魏下及王韋其旨沉以深其節紆以婉其辭清冷而曠絕其初爲衆所譁久而世稱之

周方叔曰能始力追正始響逸開元正如皎月素波清輝自別

朱鬱儀曰能始天才典瞻研討精深軒輊三唐吐納魏晉貌境必似造語斯真氣峭以潔而操調極平意鍛以鍊而摛辭若樸與會所至神情獨往

朱錫鬯曰能始與公安竟陵往還唱和而能矚然不

淳尤人所難

王貽上曰明萬曆中年以後迄啟禎間無詩惟侯官曹能始先生詩得六代三唐作者之格一時名士如徐桂吳兆林古度皆附之能始官四川參政與監司謁撫按必於館中別設一几隸人置書几上對衆一揖卽就几披閱不交一言其孤亢如此晚年大節如江萬里尤不可及又曰陳大樽明詩選於宏正間持擇甚精嘉靖以來便稍皮相至擬早朝應制之體闌入未免可厭萬曆以下如曹能始等不愧作者槩置之鄣下無譏之列此則大誤

汪端論曰忠節詩秀骨清聲霞標玉映其辭麗以則

其思深以遠才氣少讓陳忠裕而溫婉過之兩公皆以風雅主盟成仁殉國壇坵爲之有光而虞山初與兩公皆友善聲望相埒其選明詩於忠裕則擯置不錄於忠節則大有微詞此猶畱夢炎讒文文山胡光大詆方正學相形見拙心竊病之卒之蓋棺論定著作蕩爲煙埃姓氏汙人齒頰復何面目見兩公於地下哉忠裕詩已購得全集忠節集徧訪未獲姑就各選本采輯異日得窺全豹當補錄之○閩中詩人與忠節同時者如鄭翰卿康元龍陳伯孺幼孺鄧汝高商孟和陳磬生等皆負盛名然其詩麤有才情頗傷平熟不足驂乘也○澄懷居士按明人操選政者如

顧元言之國雅李時遠之詩統黃泰泉之明音類選  
徐子元之明代風雅俞汝成之盛明百家詩盧純學  
之明詩正聲卷帙繁富皆不免是丹非素榮古虐今  
之病若李于鱗今詩刪之狹華聞修明詩選之冗鍾  
伯敬明詩歸之陋尤爲笑資惟忠節十二代詩選所  
錄明詩最夥闡幽發隱不遺餘力存心極厚持論必  
公俾一代之文獻得有指歸斷簡零編不致陵隳功出  
竹垞之上毋論歸愚諸人近有誚其務博欠精者亦  
可謂不樂成人之美矣

林守易以新舫載余同游鼓山

木蘭舟旣成圖書載亦備匪資登山興疇信涉川利渚花

垂岸榮沙鳥近灣戲浪洶峽門束帆側崑影墜密林屢移  
村疎鐘遙傍寺微月出浦口澹然見游思

峽口逢陳幼孺

出門識別苦登車愁路長峽口斷地脉南北遙相望僕夫  
停其綏川廣限無梁仰見浮雲馳鴻雁同翱翔方舟未云  
涉矚險先徬徨道逢相識人乃爲心所當上言長相思下  
言適何方屏營周路側原野何茫茫安得盈觴酒與子同  
酌嘗大義亮金石俛仰鬱中腸吾欲展此曲列坐無高倡  
執手惜欲別險阻誰相將此水淺且涸離憂方可量命不  
與願俱悲爲參與商羨彼雲中鵠比翼歸故鄉

銘鑄建安  
通篇沉著

泰昌皇帝輓歌

龍馭升遐日。封章滿御牀。施行猶令旨。德意自先皇。沛若

江河決。俄然石火光。更聞哀詔到。能不淚霑裳。

按先皇謂神宗

勸進賤三上。騰歡徧九垓。逐臣皆召用。中使盡收回。貨賤

昭先儉。心勞集相才。大工須計日。久矣柏梁災。

九轉神丹秘。三旬帝業終。春秋書法謹。中外揣摩窮。雨泣

將填巷。攀髯或墮弓。由來戮方士。豈但爲無功。

此首專指紅丸事。

澄懷按光宗在東宮久處危疑卽位之初勵精圖治少假以年足爲守成令主不幸崩于宵小之陰謀繼以天啟童

昏太阿倒授逆奄巧借三案荼毒正人此天之不祚明室也公詩可謂詩史

### 木瀆

指點十三橋。迎船半柳條。夕陽湖正滿。春草岸俱遙。琢硯

開山市。爲園灌藥苗。賣錫時節近。處處有吹簫。

忠節警句又有明月



自佳色秋鐘多遠聲。程孟陽賞之。疎籬豆花雨。遠水芙蓉。煙忽弄月中。笛欲開江上船。王漁洋賞之。惜未見全篇。

### 游楊氏園

苔深。知石古。竹長見。墻低積翠沉。波底斜陽到岸西。搜花成小汎。摘葉任分題。何日漁樵老。能容此地棲。

### 舟泊大湘

停棹投漁火。火煙自一區。遠峰銜月淺。隔水度螢孤。夕露無聲墮。寒猿有淚呼。臨流歸夢促。安得涉江湖。

### 夜登石鐘山

湖口行人曠。山門入寺幽。鐘鳴片石夜。月滿九江秋。洞裏懸漁網。崑前過客舟。醉歌仍未已。清露溼滄洲。

### 送鄭知事之蜀

暫爾歸仍去。征衣未拂塵。蠶叢行候火。猿峽過霑巾。祿薄  
奴從懶。官閒吏苦貧。西風吹短鬢。又逐歲華新。冷官清況  
真寫得出

別喻宣仲

思鄉情有極。送子意無涯。明月看時別。清霜夢後知。江空  
茅舍靜。秋半柳條衰。九派何須問。居然怨兩歧。

雙流

萬里橋方度。雙流徑已存。薄寒成翠色。疎雨點黃昏。竹柏  
密他樹。水雲平過村。羣鳥棲欲盡。纔到縣西門。五六承  
三四來

夜泊彭山江口

錦城平日暖。旅泊始知寒。犍蜀中分地。岷峨相向看。岡連  
三女塚。水疾二郎灘。蘆葦風吹急。蕭蕭漢將壇。自注岑彭  
遇害此地

有彭亡  
之稱

送戚山人之內黃兼簡鄧遠游明府

三月鶯聲別故山。萋萋芳草照離顏。春光白下無多日。夜  
月黃河第幾灣。置驛正當賓客盛。弄琴遙識使君閒。閨中  
易作刀頭夢。珍重休過博望關。

三四絕唱

王荃湖間卽事

仙源迢遞杳無涯。拂樹齊開十月花。半壁莓苔千古色。一  
川雞犬幾人家。珠簾暮挂峰頭雨。玉箸晴餐洞口霞。世路  
不堪回首望。成田滄海日將斜。

寄關中張太守

關西遙望路漫漫。秦華峰陰日夜寒。長樂故宮秦輦絕。未

央前殿漢鐘殘。月明渭水浮。三輔花發。驪山繡七盤。京兆  
風流誰不羨。時從閨閣畫眉看。俊語亮節  
最近信陽

武夷

丹邱遺蛻不知年。方外尋真思渺然。仙橘堂空棋撤局。御  
茶園廢竈無煙。峰頭亂插虹橋板。渡口難移架壑船。忽聽  
玉笙聲縹緲。步虛已近大羅天。中二聯切武  
夷字字典雅

八月朔日王元直招集南樓送陳汝朔之東粵王玉  
生之清漳沈從先還姑蘇徐典公之建溪陳維尋之  
聊城符之才之廣陵予返白下

西風蕭瑟動離顏。一樹衰楊不剩攀。秋老幾人猶白社。月  
明無主自青山。征塗南北高樓外。客淚縱橫杯酒間。此別

紛紛難聚首。天涯那許夢魂閒。

清空一氣

大田驛訪陳伯孺時伯孺客越未歸

斜陽繫馬訪幽棲。古驛門前渡小溪。鬼火漸明青嶂裏。人煙猶隔翠微西。涼生遠樹鳴蟬斷。秋老平沙落雁低。何事玉孫歸未得。松雲蘿月思悽悽。

金陵懷古和汪仲嘉

吳

江東列郡領丹陽。鼎足三分此一方。總爲石頭成虎踞。不知巫峽下龍驤。雲生寢廟千秋閔。月照籬門幾夜長。年少風流能顧曲。行人猶自說周郎。

晉

一從荆棘歎銅駝。五馬爲龍世所歌。晉室山河遺略盡。洛  
中人物過江多。楊花寂寂新宮出。燕子依依舊宅過。欲向  
登臨感陳跡。至今天闕尙嵯峨。

齊

鍾阜霜飈館已傾。至今哀壑起秋聲。針樓銀漢含情語。畫  
屨金蓮逐步生。日落盧龍迷古戍。天寒白馬走空城。不堪  
重理元暉詠。極目澄江似練平。

陳

齊雲宮觀景陽樓。盡入隋家作蔣州。下若溪寒明月夜。後  
庭花落隔江秋。疎鐘夢斷猶疑響。紅淚看餘獨不流。何事

高情江僕射。攝山泉石恣淹留。

四詩風華典麗品  
居金荃玉溪之間

別吳子修

執手依然此路歧。勸余行役不須悲。況當白下閒官日。盡  
是清樽對客時。迴首故山俱惜別。出門新月便相思。片鴻  
不斷能來往。還爲題書寄所知。情味深婉  
低徊不盡

初四日攜具西園候夏彝仲令君因談時事有感

新潮何日發吳航。屢聽車音到畫廊。堦下瑞蕙重對葉。座  
間仙令有餘香。借籌無策匡時短。秉燭行游覺夜長。湖海  
尙存交誼在。嚶鳴端不負春陽。

楓亭

長亭山勢倚岩巖。半壁斜陽散采樵。野燒輕陰遙渡水。海  
門喧市乍歸潮。蘆花古戍生殘角。木葉西風過斷橋。迴首

不堪仙路杳。馬頭塵夢又今宵。

癸未上巳李子素直社城樓卽事

豫章諸郡徹哀笳。閩海猶然天一涯。三月風光臨上巳。兩  
京消息隔中華。登樓預想魚麗陣。入幕誰爲燕子家。世味  
不知如此惡。且將清況試新茶。  
憂時憫亂而不涉亢厲之音此詩品也

輓周先生明府

白馬驅馳楚國陰。西州消息半浮沉。中山篋滿皆飛語。流  
水絃孤孰賞音。鄰笛一聲聞雁落。墓門千古聽猿吟。餘生  
不盡酬知己。寧但吳鉤挂隔林。

送李元白擢淮揚運長

東南財賦困征求。轉運今須第一流。際海金錢輸九塞。隔



江歌吹。是揚州。春風芍藥堂前宴。夜月瓊花觀裏游。舊治如臯行部處。冰絃猶自韻高秋。

雄縣

燕南趙北。易西京。此地猶傳避世名。河向瓦橋關外轉。樓聞鼓角地中鳴。雄山警蹕畱行殿。亞谷降王有故城。幸沐聖明無外化。宋遼何事日尋盟。

松梯

身入蒼翠中。落日無人影。步步踏松根。不覺到前嶺。

板橋

兩岸人家映柳條。元暉遺跡草蕭蕭。曾爲一夜青山客。未得無情過板橋。  
悠然神遠

皖口阻風

風聲不定在何邊。起視長堤樹影偏。客恨不如風裏樹。一枝吹落向南天。

畱別金陵

寒月娟娟影已低。霜風四起夕淒淒。鳥生兩翼不飛去。只在白門城上啼。

送鄧汝高之京

問君此去欲何之。江北江南各一涯。南北卽從今日別。銷魂不在渡江時。

附錄

程嘉燧 二十四首

嘉燧字孟陽休寧人僑居嘉定少學制科不就遂刻  
意爲歌詩善畫山水曉音律恬澹自喜不事奔競與  
通州顧養謙善友人勸詣之乃渡江寓古寺與酒人  
歡飲三日夜賦詠古詩五章不見養謙而返崇禎中  
客游常熟閱十年返休寧卒年七十九有浪淘集

王貽上曰明末七律有兩派一爲陳大樽一爲程孟  
陽大樽遠師東川右丞近學大復孟陽學劉文房韓  
君平又時時染指放翁此其大略也又曰孟陽七律  
清辭麗句神韻獨絕七絕出入夢得義山牧之之間  
不名一家時詣妙境

汪端論曰虞山之選明詩逞其私臆淆亂是非陽崇

明三才言選二頁卷十一  
陰擠復摭邪說以誣蟻之者劉文成高青邱也置不  
畱目無所短長者貝清江楊孟載諸人也浮慕其名  
尊之失當者袁海叟李西涯徐昌穀也有可訾之道  
而排擊不中窾要者李空同李滄溟王鳳洲也不應  
貶而貶之者何大復邊華泉也無足稱而稱之者沈  
嘉則王百穀王承父也巨擘哲匠遺棄不錄者區海  
目陳忠裕鄺湛若諸公也元惡儉夫曲護其短者姚  
廣孝嚴嵩沈一貫阮大鍼等也其他伐異黨同紕繆  
百出惟推重孟陽一事則竟未可厚非何則觀孟陽  
近體秀逸流亮宗範隨州丁卯固不失爲名家而狷  
介自守亦不失爲吳仲圭吾子行一流人虞山以其

詩與已同調力相稱引實鑒於王李之擯茂秦故結  
契布衣以徼時譽非孟陽有意依附也且虞山詩選  
告成在孟陽旣歿之後諡爲詩老所以慰其地下亦  
未嘗挾孟陽以抗李何王李也朱竹垞謂孟陽格調  
卑卑才庸氣弱邵子湘摘其累句訶爲穢褻俚俗沈  
歸愚謂其纖詞浮語僅比於陳仲醇是皆因虞山毀  
譽失實遷怒孟陽過事醜詆今錄其詩爰爲滄雪以  
見論詩如論史貴存公是若必連類譏訕懲羹吹壑  
是徒取快一時何以昭信於千古哉

暮春送別谿父

歸人隨暮潮。離憂自可識。衣上繆城酒。帆底吳山色。渺然

煙波際。回首平生憶。巖江月圓時。峽峭風潭黑。知君夢裏魂。猶甘水鄉食。

富陽桐廬道中早春卽目寄吳中朋舊

暮倚城樓江日曛。曉過山縣市煙分。迴峰凍雨皆成雪。出霧危巒半是雲。沙際年光催鳥轉。冰間寒溜動鷗羣。吳江越嶠千餘里。春賞何由早寄聞。

因舍弟歸東山中親知

故人相望渺天涯。久客傷心憶歲華。城上雪聲游子屐。縣南風色酒人家。郵筒近隔錢塘路。歸纜遙牽歛浦沙。鄉國清明正愁絕。憑將雙淚溼梨花。

歲暮懷孫履和李茂修

故人不見歲將窮。臨別風煙在眼中。嶽院夜眠春澗雨。浦樓寒醉雪山風。谿南郵使明朝發。江北來帆二月通。廿載東橋歌酒伴。他鄉殘臘夢應同。

三四與呼吸湖光飲山淥同妙

### 寄莊將軍

僧榻書廊臥夕曛。興來吟嘯每過君。梅殘燭燼疎窗雨。雪迥香濃小閣雲。茶作松風先破睡。墨添山氣待微醺。自從一別蓮花府。月下笳簫憶共聞。

### 鷺脰湖道中值雨

江南四月棟花風。綠雨生寒水氣通。吳苑歌殘春寂寂。嚴灘帆遠碧濛濛。經時浪跡攤書外。盡日風煙潑墨中。莫憶鄉園苦回首。江湖隨地足漁翁。

李洋河舟中

半是春還半是秋。不成估舶不成游。幸無冰雪傷離思。且  
有雲山遮客愁。遠雁如塵飛水面。亂帆疑葉下吳頭。明年  
更鼓湘江柁。老淚憑添萬里流。

送曹丈江行之六合

對客看雲憶故邱。憐君何事到滄州。還家明月飛烏鵲。背  
海輕帆羨白鷗。瓜步江空微有樹。秣陵天遠不宜秋。貧交  
此別難爲贈。欲借殘樽比石尤。

五六神韻澹遠  
在筆墨之外

春盡感懷

一年春盡送春時。萬事傷心獨詠詩。夢裏楚江昏似墨。畫  
中湖雨白於絲。空煩兒女啼書札。應有親朋覆酒卮。明日



夏雲徒極目。斷魂搖曳各天涯。

重赴六合道中旅懷

眞州曉雨送征帆。憶昨寒星舞客驂。三月鶯花離海曲。孤舟風日望江南。水鄉味遠閒偏思。歧路悲深久漸堪。几杖柴門相待否。歸心芳草自能諳。

同聞師鮑谿父登北高峰宿絕頂僧舍

雙峰徑轉石林蒼。攜客捫蘿宿上方。澗飲斷虹明積翠。湖飛片雨亂斜陽。東來島嶼吞江郭。西去雲山指故鄉。夜久禪心同寂歷。松風諸嶺一何長。

三四秀鍊五六瀾犬白是名作

雨中晚發臨安雙谿道中作

迴首青山入半城。碧潭時傍碧巒縈。煙中小市開晴翠。樹

抄重泉帶雨聲。飲馬苔谿逢漲發。問人天目指雲生。試觀  
萬壑千巖裏。何似山陰道上行。

病中送履和兼懷李茂修

江楓落後見君遲。欲雪前林又別時。多病酒杯難共醉。獨  
行歸路更相思。家人望遠愁腰帶。舊侶逢春問鬢絲。身世  
飄蓬何日定。楚雲淮水各淒其。

閩門訪舊作

悵望吳閩百里餘。故園兄弟日應疎。多年華髮絲相似。三  
月春愁水不如。歌扇舊分桃葉渡。釣船今傍藕花居。掃眉  
才子何由見。一問橋邊女校書。

娟娟楚楚不墮纖賦  
豈王次回諸人所能

雨中同茂初閑孟過子薪村居

朝寒震震盪盪舟行渚柳江花白浪生客到杯香憐閣小興  
移墨漫愛窗明簷前樹缺春山出橋外天低野寺平共道  
主人能下榻不愁風雨斷柴荆

憶金陵雜題畫扇

最憶西風長板橋笛牀禪閣雨瀟瀟只今畫裏猶知處一  
抹寒煙似六朝  
青門楊柳白門烏秋雨秋陰舊酒壚何處薜蘿最相憶縹  
絲風雨暗西湖

臘下風光旅客顏奇情孤絕未能還攜錢日向旗亭醉醉  
看長江雪後山

三詩清疎淒豔有吹竹彈  
絲之音漁洋最賞心者

挽等慈上人

山郭拏舟夜別師。竹房松閣總幽期。影堂月落泉鳴咽。無復疎簾看奕棋。

登樓

少小聽歌怕唱愁。一聲楚尾與吳頭。如今身在傷心地。但見春光莫上樓。澄懷云輒喚奈何

靈隱雨後作

雨濯松蘿泛早涼。竹聲寂歷澗聲長。林煙未散遠峰出。手卷殘經看夕陽。

許傲韋自白下寄丙午所畫秦淮秋雨圖索題

六年光景未題詩。畫得如塵似夢時。斷雨溼雲休細看。看來容易鬢成絲。

東菴夜歸

煙蘿一徑入僧寮。誰冒寒風共寂寥。栢子滿庭鋪柳葉。月  
明人影在空條。

舟中書所見

水榭風帆隱畫樓。微明遠岸濁河流。也知一望堪腸斷。暮  
雨無人在上頭。

王

栩二十七首

栩字介人嘉興人居梅里與周篔李繩遠朱彝尊諸  
人相倡和以布衣終著作甚多遇盜棄於水族弟庭  
掇拾殘稿刻之名二槐草存

朱錫鬯曰介人初擅詞曲後研聲詩志取多師不遺

偽體其論詩於合處見離離處求合啟禎之間大雅  
不作毅然以起衰自命而知者寥寥惟平湖陸職方  
嗣端心賞之嘗訪君於長水值君洗硯河頭挾之登  
舟家人不知也徧游蒼雪乃返既而入越謁陳推官  
臥子方置酒送客君詩有前路夕陽外行人春草中  
之句臥子擊節曰此今之高三五也爲序其詩遭  
亂所居不戒於火惟餘小屋二間一供婦爨一吟詠  
其中有故人官府寮者造之不見尋卒於京口五言  
如江湖長至日風雪上方山驛路通秦遠峰陰入晉  
多枕榔下樹雨瘴霧百蠻天文章身後事邱隴夢中  
山楓林依水盡雲物近秋多江山雄白下人物近黃

初山雪行人少江梅臘月多白社違人日元關閉子  
雲江山開一望吳越在孤舟七言如夜月旌旗五馬  
渡秋風草木八公山周道秋風行黍稷漢宮春雨長  
蒲桃西蜀諭通司馬檄中山謗滿樂羊書秦塞忽驚  
三月火漢家空待貳師功鑄語高華此方虛谷所云  
律髓也

汪端論曰介人詩斂成就範因意遣詞沖澹處似襄  
陽深婉處似龍標沉摯處亦似少陵禾中詩人自清  
江吳隱以後竹垞以前此其卓然成家者也

長干曲

揚帆下長江日落秋雲起夜半聞鄉音知是長千里

江臯曲

爲愛新粧好。東臯出采蘋。春江千里碧。解佩不逢人。朱笠亭云

傷無知已也

登臺

日暮登臺秋。風雁來。慨然念遠。離居寘懷。躊躇千里。靜言勞思。爰有旨酒。斟之酌之。拔劍高歌。哀音孔多。沉吟忽斷。中心奈何。繁星告夕。薄寒求衣。明月不墮。輕霜自飛。稽山之東。大海處之。衆水所歸。曾不盈而。逶迤今古。山川屢更。嗚呼。往者實多。於生。清婉折宕。絕似魏文。

寄沈十二

橫山生白雲。鬱鬱半空起。知君住其下。獨宿白雲裏。冬月



靜巖扉寒泉滌心耳。嗟余從風塵引領望之子。

土贈上云到格

### 宿董氏宛委山房

中夜虎渡水。溪樹風初生。颯颯吹哀湍。衆山皆有聲。深庭久無月。黯然三四星。憂人獨求醉。釋此離居情。

### 清涼山寺

蒼山樹如蓋。乘高御清涼。地遠暑亦寒。江色明虛廊。層厓仰萬象。古寺崇榱梁。白雲照巖穴。有若日月光。極視但長嘯。凌風思翱翔。

### 北歸後得友人書感賦

長夏風日炎。南歸且散髮。每懷故人好。索居又彌月。書來道相思。殷憂喜初豁。對使詢近事。一一言婉切。別後盜賊

多入徐恣衝突。州民百餘里。大半遭慘殺。倉卒聞此言。心  
膽幾若割。向使久羈旅。焉能至今活。生還有餘幸。悲歌守  
饑渴。縱使委溝壑。亦已欣。後沒干戈滿天地。原野厭膏血。  
裁詩雪涕淚。痛定轉嗚咽。

朱笠亭云如讀老杜羌  
村述懷彭衙行諸作

### 游叟光

西山鬱竒姿。茲峰實爲最。孤高生虛無。時與雲雨會。密竹  
青連陰。白日半成晦。洽洽多澗泉。清響落山背。曾聞住高  
僧。卓錫自何代。至今松林中。飄風墮殘喞。我來值秋初。炎  
暑猶未退。迴盤到諸天。崩巖慎所戒。歸途已蒼茫。想像白  
雲外。

### 十七夜期青士不至

一夕復一夕。有月誰同看。光遲影猶滿。風露流微寒。烏鵲  
屢驚飛。想見林棲難。迢迢徹深漏。念爾增長歎。

顧山人貽畫賦贈

東風吹花隱蠟屐。臥起初聞叩門急。手持一卷花外來。宿  
昔知名武林客。君之手腕益有神。耕煙注墨生空雲。蕭疎  
幾筆起纖末。俄頃忽見山嶙峋。圓峰皴石石苔古。疊石城  
巒介平楚。葉重霜流遠。勢寒沿溪茅屋深。宜補君家虎頭  
不可得。阿瑛以後君無敵。蕭齋風日正佳時。畫裏看山幾  
重色。

朱笠亭云蕭疎六句深得畫  
理從來題畫詩未曾及此

送客還山右

春草太行山。行人一騎還。夕陽前路遠。離夢索居閒。鳳舉

今誰匹。鴻歸不可攀。所悲流水意。千里送潺湲。

### 邨居

獨。樹。寒。煙。外。孤。邨。流。水。間。偶。隨。花。草。去。遠。逐。漁。樵。還。川。暝  
罷。垂。釣。日。斜。長。掩。關。何。年。事。高。隱。歸。臥。鹿。門。山。

### 江亭遇舊

老。畏。千。戈。滿。愁。聞。羽。檄。頻。鶯。花。射。堂。夕。風。雪。故。園。春。泉。下。  
悲。先。帝。人。間。識。舊。臣。空。將。垂。白。淚。嗚。咽。對。霑。巾。

連下二篇  
皆學杜

### 荒原

荒。原。秋。草。積。緩。步。獨。行。歌。野。水。同。天。盡。寒。煙。入。樹。多。此。生  
嗟。老。大。滿。眼。又。干。戈。北。望。烽。塵。合。驚。聞。旅。雁。過。

### 客感

千里江南客。深冬未授衣。愁將雙鬢改。寒共一燈微。去國  
輕生死。依人略是非。鄉園更搖落。何處可言歸。朱笠亭云  
五六見閱

心  
歷苦

### 雜感

茲矢彤弓寵錫頒。北門鎖鑰動江關。武侯師出名尤正。太  
傅功成鬢未斑。夜月旌旗五馬渡。秋風草木八公山。金湯  
萬里生民寄。麟閣期登指顧間。澄懷按此首  
似詠史閣部

長城萬里羨當年。楚澤軍威蓋世傳。三月晴風高戰鼓。九  
江春水下樓船。韓彭心事應難論。李郭功名不易全。漫道  
勤王師獨正。江南處處起烽煙。澄懷按此首  
似指左良玉

淮海聊寧燕雀居。風高鼓角建牙初。寒凌畫戟秋陰重。雲

壓孤城夕照虛。西蜀諭通司馬檄。中山謗滿樂羊書。將軍  
面矢誰堪敵。樽俎論功計已疎。朱笠亭云隸事運意似  
義山風骨自杜陵來

亂後得張子書

沁園秋草舊回車。惜別西湖歎索居。萬里山河經百戰。十  
年重到故人書。悲涼深厚在唐人  
絕句中亦是上駟

楊柳枝詞

春寒殘雨日瀟瀟。一曲驪歌上灞橋。想到啼烏今夜宿。不  
教攀折最長條。語近清遙得  
詩家三昧

客中九日

細雨成陰近夕陽。湖邊飛閣照寒塘。黃花應笑關山客。每  
歲登高在異鄉。沈山子云  
不失唐音

會稽竹枝詞

秋風秋雨正淒淒。荷葉荷花香滿溪。越女蕩舟愁日暮。歌聲盡在若耶西。

漂母祠

一飯當年報所知。王孫今日更何之。平生自歎無知己。千里來尋漂母祠。

秋怨

芙蓉花落水無香。南國秋來夜有霜。邊月只將離夢遠。相思河外是西涼。  
龍標

金陵懷古

鍾山雲氣繞飛龍。空外參差紫閣重。想見當時殘月下。宮

人初聽景陽鐘

煙草萋萋野色新。晚來驅馬見行人。不知何處含章殿。滿地梅花雪外春。

寒江秋水靜無塵。棲隱當年有二倫。爲問山中明月夜。草堂猿鶴怨何人。

掩抑流麗可匹元遺山過故宮諸作



明三十家詩選二集卷八上

錢塘 汪 端 允莊輯

鄺 露 三十八首

露字湛若初生甘露降於庭因名南海人諸生永明  
王立授中書舍人廣州城破遇害有海雪集子鴻亦  
能詩同殉節死

朱錫鬯曰湛若工諸體書學使者試士以恭寬信敏  
惠發題湛若制義五比用大小篆八分行草書于卷  
學使者大怪之然不罪也居恒以才略自命見海內  
多事因學騎射跨馬出門衝縣令行愾令怒申文學  
使者除其名將加以桎梏因亡命之廣西徧尋鬼門

銅柱舊蹟游於岑藍胡侯槃五姓土司為獠女執兵  
符者雲彈孃書記歸撰赤雅三卷紀其山川風土儀  
物及女君天姬隊歌舞戰陣之制家多蓄古奇器圖  
書尤耽於琴有古琴二一曰南風宋理宗宮中物一  
曰綠綺臺唐武德年製明康陵御前所彈也出入必  
與二琴俱廣州城破湛若抱琴死綠綺臺為老兵所  
得以鬻于市歸善葉錦衣解百金贖歸至今存其家  
詩集手書開雕極精楷予嘗見其駢體文亦佳  
沈山子曰湛若詩鏤金葉玉以雕琢為工其不經意  
處時臻大雅

屈華夫曰湛若好大言以寫其牢騷不平之志或時

清談緩態效東晉人風旨所至輒傾一座至爲詩則  
憂天憫人主文譎諫雖小雅之怨誹離騷之忠愛無  
以尙之

王貽上曰鄭湛若南海狂生也常敝衣跣履行歌道  
上旁若無人其詩多在瀟湘洞庭之間廣州破抱所  
寶古琴而死余爲賦抱琴歌又論詩絕句云海雪畸  
人死抱琴朱絃疏越有遺音九疑淚竹娥皇廟字字  
離騷屈宋心亦謂湛若也

沈確士曰湛若詩原本楚騷五言尤勝又曰五律佳  
處全在氣韻不求工於語言對偶之間

鮑以文曰先生少嘗師事阮大鍼崇禎間曾爲阮序

明二家言選二集卷八  
詠懷堂詩洎阮羅織東林乃貽書絕交侃侃千言可  
與侯氏壯悔堂集中一書並傳予友曾於金陵市上  
見之惜乎不獲附赤雅以行也

汪端論曰湛若詩清曠超妙如月冷江空孤鶴夜警  
又如藐姑仙子餐霞飲露不染人間煙火華夫元孝  
而外一時罕儷至其負奇忤俗談兵銅柱之鄉草檄  
珠衣之幕赤雅一編瓌觀異藻爲世所豔稱而致命  
遂志凜然烈士之風又不徒以詞采重矣

疊彩山

日高山氣晶。月出山更明。縣峰銀漢水。匿景金躡城。靈洞  
出霄半。颯爽涼風生。歛我薄天游。飄飄凌太清。冥搜混沌

竅流觀蟾鶴銘芳草有遠志達人無近情誰能戀鄉曲一  
舉超蓬瀛

寒食吟

去年寒食日南天今年寒食石城邊一年相去九千里明  
年況復在燕然只畱四百峰頭月夜夜猿啼蕙帳前

虞山謁舜祠

荒服垂衣日三苗格命年鳥耘千畝藉龍御九疑煙蒲坂  
征雲外蒼梧落照邊何人撫瑤瑟離恨隔湘川

采石懷袁宏李白

牛渚青天月長縣供奉祠如何今夕酒不共昔人持高詠  
那能旦登舟安所之遡洄殊未已言折楚江蘼

亦有搔首  
問青天意

登九子

朝參九華雪。莫宿九華鐘。言尋金舍利。行傍玉夫容。雨脚移春殿。雲衣掛亂峰。悠然秋浦月。來對海門松。

高秀

西湖上春

行逢新歲月。驕馬踏城橋。旭日催蘅帶。春人豔柳條。香車流水擊。僊袂逐風飄。小鳳銜花去。空傷雲漢遙。

洞庭酒樓

落日洞庭霞。霞邊賣酒家。晚虹橋外市。秋水月中槎。江白魚吹浪。灘黃雁踏沙。相將楚漁父。招手入蘆花。

梁崇一  
云如畫

浮湘

瀟湘聞鼓瑟。竹上淚痕青。歸雁將何托。先花入窅冥。白雲

開一面南嶽露真形不斷遊仙夢依稀帝子靈

### 洞庭

人歸洞庭水。心遠百蠻天。虹飲吳山雨。蟬嘶楚岫煙。挂。颿。明。月。樹。沾。酒。白。雲。船。來。雁。紛。南。向。衡。陽。何。處。邊。

字字曠逸

### 道明水望三十六峰

崇山道明水。皦皦石潭清。上有木龍樹。葳蕤聞鳳聲。開琴待明月。月向清溪生。三十六峰裏。羣仙抗手迎。

不拘格律神韻自高

### 巴陵琴酌送羽人游青城

彈琴勸君酒。君去少知音。此曲豈不古。撥弦人盡。今夜移衡漢。淺月落洞庭。深少別成。千歲依然此夕心。

### 蔣陵送孫枝游華嶽

相逢彭蠡月相失。蔣陵鐘自別東林社。君言西躡雍金天。  
開太華玉井見芙蓉。余亦汎滄海南山歸祝融。  
逸氣凌雲入青蓮之室

山中送人歸途已長觸物有歎

勞勞爲客倦。日日送人歸。芳草雨中碧。楊花愁處飛。農夫  
戒春及。老少咸相依。誰能去鄉井。終負越山薇。

皖城謁石巢先生

披衣皖城口。言就皖城坳。辟世歸愚谷。移山到石巢。鶴林  
松露滴。魚浦荻花交。廡下聞清嘯。長謠賦樂郊。

杏花堰訪紫落隱居

楓林二月雪。雪霽問君家。玉笈芝房氣。銅陵杏堰花。更清



鼉出瀑。笙迴鶴。梯霞不注丹臺籙。吾生信有涯。

注述語  
精綺

### 逢郢客問滇陽土風

關門逢郢客。立馬問滇陽。水碓春魚骨。山癭養蜜房。柑黃秋買蟻。莎白夜歸羊。是事皆殊勝。爲君說瘴鄉。

### 人日登粵王臺

登臺試人日。此日謂宜人。日照高臺色。臺非故苑春。青山白雲路。綠水流花津。醉欲呼鸞去。遙遙芳杜鄰。

### 踏青詞

文虹經綺陌。夕日貫陽林。灼灼懷春女。翩翩詠子襟。人歸芳草暮。鶯語落花深。往日成都客。蛛絲縈綠琴。

### 別楚豔秦媽

路斜山峭峭。鐘斷水悠悠。草綠斑駁。驢怨花飛紅粉愁。如何  
雲夢月。不共漢江流。又送王孫去。淮南桂樹秋。

九邊詩寄從兄湛之塞垣

錄五

邊笛

吹。遂。上。高。城。城。秋。月。正。明。羌。兒。雙。淚。下。漢。塞。一。龍。鳴。沙。柳。  
愁。中。折。梅。花。夢。裏。驚。裴。徊。三。五。弄。腸。斷。憶。南。征。

邊雁

候雁發金河。紛紛帶雪過。陣連關。月小聲斷。塞風多。高舉  
愁梁稻。低飛怯網羅。羽毛非敢惜。書札奈君何。

邊風

地角寒初斂。天高雲乍飛。大旗危欲折。孤將定何依。送雁

侵關月。驚霜點鐵衣。可能吹妾夢。一爲達金微。

梁崇一云高渾

### 邊草

王孫去不返。馬足共車輪。萬里連天色。終年出塞人。幾經青海雪。不見玉關春。獨夜寒塘夢。相思愁白蘋。

### 邊塵

紫塞三關隔。黃塵八面通。胡笳吹不起。漢月照還空。迨還仍隨馬。蕭條暗逐風。將軍休拂拭。畱點戰袍紅。

五詩慷慨悲歌唾壺

欲缺似高岑集中合作

### 君山弔二妃

眇眇愁予地。芙蓉北渚期。媵魚分楚珮。薦竹禮湘籬。寶瑟嫵娟淚。雲旗窈窕思。客從虞廟至。會遣二靈知。

浮湘禮三閭墓田尋賈生故宅

浮湘孤月下靈渠。牢落殘魂伴索居。庚子日斜聞野鳥。端陽沙渚見江魚。天高未敢重相問。年少何勞更上書。此去樊城望京國。定從王粲賦歸歟。

五六借屈賈白抒抱負跌宕入神

黃鶴樓

漢陽芳樹古今情。逐客南浮雁北征。天盡水連巴子國。月明人在武昌城。白雲依舊過全楚。黃鶴何年控太清。日暮數峰青似染。九疑無恙隔湘英。

莫邪關楚望

九疑如黛楚天分。水綠三湘雁倒聞。春曉玉臺開岳雪。月明銀殿鬱卿雲。翠華想像湘君竹。龍御遙遙帝子躋。何處

匏笙將鳳曲。至今猶似詠南薰。自注銀巖山千峰造天上出雲氣狀若宮室下多巢

民卉衣木食吹匏笙自言帝虞之裔

### 莫愁湖贈劉瞻甫

顛顛行吟落照時。莫愁湖上與君期。五噫一賦梅花國。三黜重逢柳士師。吳苑舊游淹越鳥。楚裳今雨裊江離。姑蘇煙月長相待。菱絕芙蓉白露滋。三四巧對

### 後歸興詩

南北神州竟陸沉。六龍潛幸楚江陰。三河十上頻炊玉。四壁無歸尚典琴。踏海甯容高士節。望鄉終軫越人吟。臺關倘擬封泥事。回首梅花塞草深。

### 送興化趙使君奏績神都

楊花初撲越溪船。鶯轉南州雁北遷。絲露書成去淮海。凌雲賦就入幽燕。行春草綠中牟雉。流水風清單父絃。莫學楊莊誦綿竹。雕蟲空負子雲玄。

立夏謝元邱招遊石澗寺與陳孟長醒宸二山人琴酌

翠屏千嶂濕寒蘿。曲澗盤雲待客過。紫竹僧扉清夏臘。綠天人語近秋河。廚邀曳鷺浮香積。鉢引唵龍入笑訶。無限琴心寄流水。好憑諸謝覩羊何。

過馮槐門語舊

先朝遺事老馮唐。白髮移家寄上方。看竹每過留客井。種松偏近讀書床。鼎湖雲去金甌缺。瑤砌秋歸玉樹傷。今雨

昔。監。俱。是。夢。幾。宵。禪。月。照。空。廊。

孤憤篇

誰。握。兵。符。駐。六。軍。橋。山。龍。去。訣。浮。雲。魯。連。一。笑。無。秦。帝。燕。  
鼎。重。歸。有。樂。君。南。蔡。真。人。初。建。極。玉。門。飛。將。歇。空。羣。聞。雞。  
試。問。烹。雌。婦。十。載。牛。衣。望。紫。氛。

吳楚倦游

隋。宮。訪。古。惟。衰。柳。楚。澤。傷。秋。况。落。英。痛。哭。嗣。宗。千。日。醉。亂。  
離。王。粲。十。年。情。目。窮。沙。界。參。龍。象。手。挽。銀。河。洗。甲。兵。五。見。  
梅。花。歸。未。得。故。園。頻。有。蟋。蟀。聲。

夢羅浮

仙。馭。迢。迢。駕。六。龍。魯。陽。無。力。返。高。春。愁。餘。白。髮。三。千。丈。歸。

卧朱陵四百峰。谷暝未生中。宿月日斜惟聽上。方鐘歲寒  
蘭芷紛消歇。葛令壇西一樹松。

### 赤嬰母

冶服微言宮裏稀。金權薊篆隱朱扉。摛文絕代還憎命。弱  
羽三年不假飛。隴首秋雲淹遠夢。芳洲春草弔斜暉。誰裁  
半幅江郎錦。會向華清換雪衣。梁崇一曰湛若此題詩凡  
十首盛傳于時然大都以  
詞勝此首渾寫  
大意筆力高絕

### 憶花田舊游

芙蓉葉爛不還鄉。五月元巖尙怯霜。夢入花田看越女。手  
擎丹荔倚斜陽。

### 附錄



黎遂球 九首

遂球字美周番禺人天啓丁卯舉於鄉崇禎末授兵部職方司主事乙酉督師廣東兵援贛州城破巷戰死乾隆中通謚烈愍有詩集十卷文二十一卷

又有周易

爻物當名

徐巨源曰美周詩如春風駘蕩夏雲崔嵬如坐百花雜聽簫韶美人劍客翻動左右

朱錫鬯曰宋季吳月泉主社賦春日田園雜興羅公福擅場得羅一縑七筆五十矢墨五笏元季饒介之主席賦醉樵歌張仲簡擅場得黃金一餅崇禎初鄭進士超宗未第時主會賦黃牡丹詩者百人美周居

明三才言選二集卷八  
九  
第一時號黃牡丹狀元三事本太平佳話而皆出於  
百六之秋公福肥遜仲簡遂初美周則授命虔州三  
君子各自靖尤爲美談美周詩不爲格律所縛大都  
以才勝徐巨源謂太白以後一人未免過實矣

陳伯璣曰美周近體稍傷艷麗樂府擬古高於今人  
梁崇一曰美周臨危時賦詩有云壯士血如漆氣熱  
燒九邊大地吹黃沙白骨爲塵煙鬼伯舐復厭心苦  
肉不甜一時將士聞之皆爲飲泣視死如歸美周之  
忠烈感人如此又曰美周黃牡丹詩十首與鄜湛若  
赤嬰母一時並得盛名然非集中上乘也

幼婦篇

幼婦皎然年當艷時。灼灼桃華含吐春姿。于歸老夫命爲  
雄雌。情乃不屬義安。可離不如齊女。遲歸愆期。嘖嘖來卿  
報讐。名垂木蘭從軍。身等男兒。緹縈感慨爲帝者師。束髮  
事夫。更欲何爲。日當窗牖。扎扎鳴機。織成大布以禦寒威。  
非無刺繡。綿組光輝。色旣匪尙。幽嘿自持。淑慎終老。何求  
人知。

擬古少年從軍

左手歛垂髮。右手拍長劍。行行已萬里。馬力直於箭。追得  
負心人。抉骨獨留面。攜將報所知。當夜重開宴。衆客輕後  
生。酒至坐疲厭。不語疾馳出。復向沙場戰。

古俠士磨劍歌

十年磨一劍。繡血看成字。字似仇人名。難堪醉時視。舊仇  
劍邊鬼。新仇眼中淚。倚嘯復悲歌。嚙斷長虹氣。不得語公  
孫阿世斯其志。梁崇一云奇氣逼人

### 花下歌

生平不事求神仙。願上東海求仙船。童男童女各三千。教  
之歌舞及管絃。逍遙行樂二十年。遂令婚配同力田。可得  
萬人馳九邊。大雪國恥銘燕然。老夫鬚眉圖凌煙。結屋花  
國臨酒泉。名儒俠客列四筵。等閒賦詩人。爭奪乞得一字  
十萬錢。吳念中云奇情勝氣得未曾有每誦一語當浮一大白賞之

### 彭湖卽鄱陽湖

彭湖新水盛。一半楚天浮。遠火兼星動。飛帆入樹收。雁回

風色暗人語浪聲流獨有盧峰坐依稀對十洲

梁崇一云  
鍊句鍊字

居然  
盛唐

西湖紀咏和陽羨謝山人韻

西湖舊名明聖湖西  
曰襄湖東曰外湖

輕風吹水蕩平欄日午漁釣未上竿  
幾處洗粧流粉膩裏湖波煖外湖寒

西山雜咏

都門西出馬蹄驕望望山光路不遙  
盡是內人香火寺月明湖上聽笙簫

半陟高邱望帝鄉分明鳳舞與龍翔  
朝來隱聽春雷起却是操兵內教場

山中

寂寂春眠野夢多。酒醒那識夜如何。山中慣不聞雞犬。只是天明鳥便歌。

羅賓王 七首

賓王字季作番禺人萬曆乙卯舉人官南昌郡丞乞歸丙戌大兵入廣州繫置於獄尋釋之有散木堂集獄中草

朱錫鬯曰季作罷官歸築哭斯堂於里門或怪其誕然居恒慷慨好談天下事及陷身犴獄不少挫詩歌多憤懣之詞亦奇士也

辛巳三月寇陷襄陽殺襄藩逾旬破洛陽福藩死之

兩部居民屠戮不可勝紀

文士侈言兵。希取印如斗。積誤非一朝。寇至如拉朽。召募  
煩中樞。司農勞稅畝。竭粟養驕兵。漸積成敝筭。卒爾襄陽  
城。藩封失其守。城陷鼓聲死。日落大旗走。曾聞賜尚方。三  
載專征久。勉死謝三軍。徒爲軍國醜。嗟彼泄泄人。處堂不  
思咎。悲憂草野人。抱膝徒白首。梁崇一云。明季兵備  
日弛。讀此爲之扼腕。

九月初九父子同。日下獄十一夜。傳有令勒余自裁。

守牢者將余嚴禁待命。篝燈草囑并封所著古書。

### 付兒續一律

傳是將軍令。重牢擊柝頻。暫時猶父子。今夜盡君臣。待命  
聽殘漏。封書謝古人。離魂將有去。珍重莫迷津。梁崇一云  
聲淚俱下

春日送友人入虔州

旅雁歸不盡。春風朝又過。東郊一以別。青草更如何。客舍  
吹榆火。征衣換越羅。關河莫回首。楊柳暮煙多。梁崇一云  
初唐人手

冬日送盧山人入桐廬訪孫明府

河梁此爲別。風雪入年殘。况問彭郎渡。還歸巖子灘。青山  
空向老。江水至今寒。寄語桐廬宰。窮交自古難。

寄懷黃逢永久客吳越

江南三月時。花發滿棠梨。故國開將遍。遊人多未知。雲山  
何處盡。歲月自遷移。莫遣春風裏。年年馬首吹。

李定夫下憲獄寄之

自分難逃網。聞君復禁門。千金何用俠。七尺且酬恩。末世



親知薄。時難友。誼存詰。朝誰後。死先爲一招魂。

哭黃湘卿諸義士

一笑轅門日又昏。英雄能有幾人存。誰云市井多亡賴。自昔屠沽肯報恩。藏血有時終化碧。漆身何處認歸魂。餘生漫後須臾死。泣向西風孰可論。

梁崇一云  
第六語新

與知處與孤立向西風悼何

論

韻六

有暑者有疑思蕪血自初舞升懸索長袖戲語疑舞繪  
一矣燕門日又看英華強首數人齊燕云市我逢丁無自  
哭黃眼嗶前舞七

秋賦詩集卷八

明三十家詩選二集卷八下

錢塘 汪 端 允莊輯

夏完淳 四十六首

完淳字存古華亭人考功忠節公允彝子生有異稟  
五歲通五經九歲善詞賦古文爲邑諸生師事陳忠  
裕公子龍公深器之崇禎甲申存古年十四與杜登  
春等數人稱江左少年上書縉紳四十家乞舉義勤  
王及京師陷存古又草檄討從賊諸臣時人壯其忠  
義乙酉 王師下松江考功殉節存古從陳公起兵  
太湖遵父遺命盡以家產餉軍陳公戰敗存古走吳  
日生易軍爲參謀後日生軍潰死存古伯父之旭復

以陳公事有連自經文廟存古屏處草野益不自聊  
嘗慨兩都繼覆擬庾子山作大哀賦文采宏逸唐王  
稱號謚考功文忠遙授存古中書舍人存古草表謝  
恩臯謝堯文上之堯文道爲邏卒所獲搜得表文及  
同事者名籍巡撫土國寶按籍而求凡三吳名士數  
十人無得免者逮存古赴金陵存古慨然曰天下豈  
有畏人避禍夏存古哉我得歸骨於高皇帝孝陵千  
載亡恨在途吟詠不絕旣至就鞫經畧某欲生之存  
古不屈遂與劉進士曙就義西市順治丁亥九月也  
年十七同郡杜登春沈羽霄共歛存古屍歸葬曹濱  
考功墓側乾隆中通謚節愍妻錢夫人遺腹得男而

殤遂爲尼考功竟無後存古所著有玉樊堂集內史  
集南冠草嘉慶丁卯郡人莊師洛何其偉等編輯付  
梓凡十卷補遺二卷王少司寇景序之又有代乳集  
存古九歲時作及續幸存錄八卷

內分南都大畧一  
卷雜誌二卷考功

行狀一卷死節  
考一卷見自序今多散佚

鍾廣漢曰陳大樽選明詩存古年纔十餘耳而宋轅  
文援其論詩以作序此時已許其作後進領袖矣迨  
十五從軍十七授命磨盾草檄不異老生宿儒信異  
稟也

李辰山曰夏存古十餘歲時陳臥子至其家父使存  
古出拜案頭有世說臥子閱之問存古曰諸葛靚逃

於廁中終不見晉世祖而嵇紹竟死蕩陰之役何以  
忠孝殊途存古對曰此時當計出處苟憶顧日影而  
彈琴自當與諸葛爲侶臥子歎曰君言先得吾心者  
沈確士曰存古生爲才人死爲鬼雄汪錡不足多也  
詩亦高古罕匹

澄懷居士夏內史詩曰漢紀表終軍魯史傳汪錡弱  
齡赴大義成敗非所知桓桓夏節愍生遘陽九期磨  
盾誓援鶴橫劍輕熊羆草檄厲士氣破產充軍貲天  
心厭勝國遑許一木支昇階隕羅罽勝兆遭幽羈日  
生首授命文麓同輿尸考功約黃門先後沉江灤銜

寃嘯精衛披髮從湘纍四海無尺土九鼎懸一絲西

山有薇蕨不抹志士饑天荒復地老慟哭將安之唐  
王繼魯藩遙蔭忠臣兒拜爵殊羽林清望屬紫薇一  
官何足重故國心不移表稱臣完淳竊附勤王師騰  
蹕願有濟刀鋸安敢辭表成謹封繕轉輿棄文齋邏  
卒獲以告刑訊陳其私望門泣張儉復壁藏趙岐按  
籍識姓氏被逮經叢祠九高幸相遭被服如沙彌暫  
時謝桎梏附書報雙慈慈親寄空門漂泊愁無依生  
母託異姓菽水將誰資門祚久衰薄同氣無墳篋賴  
有女兄弟端藉相扶持善保雙玉體無煩念孤羈新  
婦現有娠未能辨雄雌生男自可喜生女慎勿悲立  
後苟不肖何如不立爲清身君所用清身父所遺還

以殉君父大節良不虧武功洵大器家事勞勾稽年  
年寒食節清酒酌一卮俾免若敖痛此外無他思人  
生孰無死每患不得時今旣得死所赴難焉敢遲完  
山有弱羽飄泊罹虞機不如屋上烏反哺無相違不  
如遼間鴻王國成羽儀但如子規鳥泣血中林嗚一  
書寄夫人義重非情癡回憶結襦夕花燭聯旌旗三  
月邁大變外室成孤棲肯以盛衰故交謫騰中閨賢  
孝媿德曜和淑儕班姬霜飈厲貞木比翼長分飛熒  
熒二九年坐見成孤嫠雙親嘆白髮一女纔孩提養  
育職綦重生是死則非所悲負郭田蕪沒成蒿藜急  
難誰解慰離亂誰提攜勸生復何賴感此心魂妻生



平爲他人籌畫無所疑獨于夫人事生死兩不宜方  
寸一以亂不忍重致詞惟聽自裁斷反袂長歎歔從  
此卜歸夢遠在天一涯鍾山何高高江水何瀾瀾孝  
陵宛在目雲樹迷參差趨承絕劍珮清淚沾裳衣不  
圖垂死日反得瞻皇畿待鞠故璫第囚首趨崇墀經  
畧謂年少焉解揚戈戮果能達順逆來者猶可追懷  
懷中書君壯氣凌虹霓但恨賚志歿遑惜前程迷回  
首語婦翁慎勿陳哀祈罔卿職當死畏蔥將貽譏數  
語愧反側顏色增忸怩紀年逮丁亥尺一頒彤闈九  
月十九日急景藏晨曦獄吏加銀璫傳呼出園扉道  
聞鳴鉦聲壯士持交鉞同歸有公旦蛩駘相追隨碧

血誓不化白及甘如飴麻衣從故君植立森枯榴風  
雲爲慘慄日月爲慙悽求仁而得仁含笑無妻其徒  
令旁觀人淚下如縵縻良朋賴杜沈雪涕收遺屍歸  
覩先塋旁築冢高崔巍冢邊何所植夭矯青松枝惜  
無大手筆濡墨題豐碑季世昧大義侈口相瑕疵動  
謂一青衿名器關甚微見危卽授命于國曾何裨豈  
知毓至性全受求全歸髻齡具卓識論古昭端倪逋  
逃侶諸葛重惜彈琴稽出處商盡善要在明倫彛膽  
氣凌順平眉宇疑紫芝白虹繼前烈黃鵠悲慈幃世  
父負奇氣遘亂潛披緇城東結茆菴其名曰竹籬終  
殉聖賢域曠代高風希女兒炳幽貞苦志追磨笄楚

須泣湘芷魯女悲園葵忠孝我家事此語良不欺三  
年顏氏烏半夜劉琨雞宇宙浩然氣久已銘心脾此  
豈疆死流所得矜瑰奇堂堂錢尚書東林揚芳徽垂  
老甘毀節不畏千秋嗤浮名爾何物坐令天性漓當  
時辱贈言自負冰鑒姿違意論定後史冊慚鬚眉士  
生各有志爵祿何尊卑芳軌嗣袁勗演潔其庶幾終  
輸內史集彪炳千珠璣大哀自有賦南冠自有詩劉  
蕢發悲憤正則懷履綦惟悲幸存錄續著無留貽更  
有代乳集蠟鳳殊兒嬉篇帙付蟬蠹冥漠騰光輝侍  
宦經雲間刺促驂歸駢崇塋遲修謁式轂心神馳平  
生慕忠孝瓣香迺在茲掩卷發三嘆願世長雍熙

明三才詩選二集卷八  
汪端論曰節愍詩源出黃門天姿特秀古體窺漢魏  
初唐堂奧五七言律高華沉鬱兼擅其長少假以年  
足與梅村華夫齊驅抗手何僅高視七子若其運丁  
百六綺歲完忠其人其文古今鮮匹則澄懷詩洋洋  
數千言抒發盡之余不必更贅一詞矣

送別

馬秣車已脂。借問君何之。青青山陰柳。是君下馬時。我有  
雙玉環。宛潤好顏色。佩君衷裏衣。明我長相憶。置酒臨江  
泉。贈君以敝裘。敝裘不爲薄。願君思同仇。日落星爭光。行  
人不知處。前山馬首迴。掩涕獨歸去。

流觀窮四野。草木蕩綠滋。漠漠崑山陽。浮雲來間之一葦。  
不可杭。白雲空相思。落霞依故山。落葉依故枝。無知尙思  
歸。何以慰有知。

秋懷

涼風何瑟瑟。吹我遊子顏。歷歷江上林。流蟬鳴其間。浮雲  
西南征。一去何時還。駕舟凌洪波。杖策窮崇山。君子不遑  
息。小人豫以閒。感激在溝壑。敢怨徒旅艱。中夜起百憂。勞  
人獨長嘆。

新月鑒我帷。頽陽人人衣。夕霞自相逐。暮禽參差歸。芙蓉  
舒芳渠。髣髴含綠滋。盛時不及采。秋霜來悴之。榮名固有  
期。恨非少壯時。獨行道路長。遠行恒苦饑。言登西山趾。餐

彼蕨與薇。魏禹平云存古秋懷諸作非謝非韓游衍自得

精衛

北風蕩天地。有鳥鳴空林。志長羽翼短。銜石隨浮沉。崇山日以高。滄海日以深。愧非補天匹。延頸振哀音。辛苦徒自力。慷慨誰爲心。滔滔東逝波。勞勞成古今。沈確士云此淵明詠荆軻作也

細林野哭

此詩弔陳大樽也

細林山上夜烏啼。細林山下秋草齊。有客扁舟不繫纜。乘風直下松江西。却憶當年細林客。孟公四海文章伯。昔日曾來訪白雲。落葉滿山尋不得。始知孟公湖海人。荒臺古月水粼粼。相逢對哭天下事。酒酣睥睨意氣親。去歲平陵鼓聲死。與公同渡吳江水。今年夢斷九峯雲。旌旗猶映暮

山紫瀟灑秦庭淚已揮。髣髴聊城矢更飛。黃鵠欲舉六翮折。茫茫四海將安歸。天地跼蹐日月促。氣如長虹葬魚腹。腸斷當年國士恩。剪紙招魂爲公哭。烈皇乘雲御六龍。攀髯控馭先文忠。君臣地下會相見。淚灑閭闔生悲風。我欲歸來振羽翼。誰知一舉入羅弋。家世堪憐趙氏孤。到今竟作田橫客。嗚呼撫膺一聲江雲開。身在羅網且莫哀。公乎公乎爲我築室傍夜臺。霜寒月苦行當來。

吳江野哭

此詩弔吳日生也

江南三月鶯花嬌。東風繫纜垂虹橋。美人意氣埋塵霧。門前枯柳風蕭蕭。有客扁舟淚成血。三千珠履音塵絕。曉氣平連震澤雲。春風吹落吳江月。平陵一曲聲杳然。靈旗慘

淡歸荒煙茫茫滄海填精衛寂寂空山哭杜鵑夢中細語  
曾聞得蒼黃不辨公顏色江上非無弔屈人座中猶是悲  
田客感激當年授命時哭公清夜畏人知空聞蔡女猶堪  
贖便作侯芭不敢辭相將灑淚銜黃土築公虛冢青松路  
年年同祭伍胥祠人人不上要離墓

一詩羽聲慷慨讀之生氣凜然

### 與昭南女弟談懷荆隱女兄

不堪春色盡卜宅到江潭空谷傳三隱

余號小隱昭南號蘭隱

名閨

美二南荆隱字美南占風知少女鬪草佩宜男遙憶大姑處天

花動草庵按荆隱名淑吉有高行亦能詩

### 晚眺有憶

不繫扁舟久登臨淚滿纓暮雲山外斷春水月中平蔓草



雲間戍。輕煙海上城。佳期空冉冉。遲暮若爲情。

對月憶南行者

自拜南州使。清光幾度看。滄洲天際晚。芳草月中寒。屬國思歸漢。嫖姚擬築壇。不知江上雁。何日到長安。

送友北行

故國江上在。孤臣意若何。滄江驚白髮。芳草渡黃河。汝自懷裘馬。余還恨斧柯。高皇豐沛地。愁絕大風歌。

歸途夜泊

谷水重遊地。悠悠獨此心。落星依古戍。斜月半幽林。客散夷門市。愁深澤畔吟。夜闌人語靜。倚檻露沾襟。

旅夜聞雁

旅館孤燈夜。愁吟步玉墀。秋風人去後。煙水雁來時。暮嶺歸雲斷。寒沙落月遲。平生湖海意。三繞向南枝。

寶帶橋

連天芳草青。極浦獨揚舲。歸雁舟前落。愁人夢裏聽。花光明曉霧。波影亂春星。欲訪靈威穴。孤帆入洞庭。

清鍊

應天

吳楚茫茫盡。神靈日暮趨。大江春水闊。京口夜雲虛。芳草三山恨。斜陽六代餘。孝陵回首處。慘淡斗牛墟。

西安

無恨章臺柳。行人幾度攀。秦城空四塞。漢殿鎖三關。荒草龍蛇圉。浮雲虎豹閒。雁飛銀海瀉。千古恨驪山。

開封

豫州千里國。京闕萬年宮。北雒周謨重。東都漢賦雄。梁園  
秋竹雨。漳水夜臺風。歌舞西陵歇。黃河落照中。

太原

高接天關險。恒山入晉難。黃雲知塞近。白草入春寒。龍首  
河三折。羊腸路九盤。長垣欣不落。寶劍爲誰彈。四詩氣局  
高渾追蹤

盛唐

從陳軼符年丈遊細林山館

載酒扁舟疾。春風不滿帆。酒家藏夏馥。漢臘問陳咸。浩浩  
桐君籙。明星玉女函。登高湖海盡。愁絕倚松杉。

秋夜感懷

登樓迷北望。沙草沒寒汀。月湧長江白。雲連大海青。征鴻非故國。橫笛起新亭。無限悲歌意。茫茫帝子靈。

拜辭家恭人

孤兒哭無淚。山鬼日爲鄰。古道麻衣客。空堂白髮親。循陔猶有夢。負米竟誰人。忠孝家門事。何須問此身。

被羈待鞫在皇城故內璫宅

孤臣魂已斷。况復見長安。歌舞愁雲散。池臺落日寒。重來中貴宅。空掛侍臣冠。一片銀鐙影。還同劔佩看。

御用監被鞫拜瞻孝陵恭紀

城上鍾山色。松杉落翠微。朝光羣鳥散。暝色二龍飛。璧月沈銀海。金風翦玉衣。孤臣瞻拜近。泉路奉恩輝。

澄懷云諸詠悲涼激

烈而得性情之正文  
信國後所僅見也

武塘元日和篆鴻

故鄉東望遠。客裏度新年。霧隱江花發。煙深戍柳眠。青樓  
空十二。白髮竟三千。漢國河山在。春風若箇邊。

哭吳都督

志葵

感交悲故吏。繞指痛孤臣。有客留滄海。無人哭壽春。王孫  
城下飯。公子屬車塵。知己今誰報。高歌泣鬼神。

寶帶橋晚泊

寶帶橋邊泊。狂歌問酒家。吳江天入水。震澤晚生霞。細纜  
迎風急。輕帆帶雨斜。蒼茫不可接。何處拂靈槎。

春興

上苑東風試早鶯。故宮依舊百花明。江帆入鏡移瓜步。代  
馬如雲走石城。金鼓平陵憐翟義。旌旗滄海葬田橫。傷心  
中夜看牛斗。醉把吳鉤萬里行。

谷口桃花何處繁。武陵猶有避秦源。江頭采葛供句踐。堂  
下幽蘭祭屈原。春夢却隨千里雁。夜愁不斷萬山猿。今年  
寒食昌平路。蔓草東風十四園。

萬頃滄江未卜居。風塵生計問樵漁。錦帆寂寞吳趨曲。石  
室淒涼越絕書。回首故鄉春夢裏。傷心荒草夕陽餘。南朝  
鐘磬三千界。一帶蒼煙散紫虛。

自憐十載誤儒冠。獨釣滄波行路難。雨後新花宜夜醉。月  
中寶劍試春寒。臨江煙樹分吳壤。隔岸旌旗擁漢官。聞道

扶桑天子氣何人不向五雲看。

河山風景淚堪揮。江上傷心對夕暉。蜀道盡悲諸葛死。漢家猶望少卿歸。五湖義士蓮花劍。七郡良家柳葉衣。結客少年情不淺。平林裘馬放春圍。

片帆春色滿江湖。震澤神靈動有無。曉氣橫開連百粵。晴光迴落見三吳。飄零煙雨招漁父。躑躅風塵問酒徒。知爾中宵沉醉後。清霜長嘯拂伊吾。自注此首兼寄贈錢漱廣。○澄懷云六詩調高骨秀。語麗情悲憲章少。

語麗情悲憲章少

夢懷長公郭侍御五竺崔舍人

乾坤戎馬倚吳鉤。猶憶當年太姥游。夢裏雲霞雙鳳闕。醒來煙水一漁舟。窮途知己誰青眼。岐路傷心已白頭。遙想

天南新侍從。茫茫滄海動新愁。

憶侯幾道雲俱兄弟。

按幾道名元演。雲俱名元潔。俱通政。峒曾子同父。殉節。

春城煙霧曉陰陰。俯仰斜陽弔古今。萬里河山猶故國。九  
京風雨自同心。欲知真主觀司隸。未見孤兒屬羽林。鶴唳  
華亭人沒後。河橋一曲淚沾襟。

### 簡顧偉南

楚客天涯久不歸。平津東閣有光暉。紫鱸鄉味思張翰。黃  
耳家郵問陸機。三省衣冠新墨敕。百花煙水舊柴扉。夢魂  
夜夜蘭亭月。驚起扁舟淚滿衣。

### 江城

江城五月動哀笳。一片烽塵到海涯。沙漠未消前帳雪。景



陽先發。後庭花。征帆夜雨難歸國。寶劍寒霜已破家。遙望黃龍愁故主。李陵碑上暮雲斜。

贈舊閩李憶蘭

無定河邊起暮笳。受降城外逐輕車。射鵰雲度金微落。回雁風高玉帳斜。老去吹寒秦感策。歸來彈徹漢琵琶。當筵忽話遼陽事。獵獵霜飛兩鬢華。

夏日幽居

愁絕關山獨枕戈。亂離生計託煙波。雲車無路通閩闔。土室何心詠蓼莪。走馬空城雲裏出。啼鶯深樹雨中多。不堪極目風塵際。山鬼微寒弔女蘿。

哀艷

同友人過東道院

明二十家詩選二集卷八  
一片江聲入晚笳。軍中高宴逐輕車。幸陪紫塞將軍座。來  
訪黃庭道士家。玉洞花明秋不夜。錦屏雲起暮爲霞。此身  
竟逐征蓬去。欲叩天門路已遐。

除夕追和侯廣成先生韻

山河風景憶前年。淚盡鮫人百斛泉。鳳輦已空當日恨。鹿  
門深愧古人賢。江湖潮信潛歸越。秦晉風雲半入燕。恍對  
九京如可作。國讐家難問蒼天。

感舊步仲芳先生韻

舊都風物暗凋殘。東海孤臣淚未闌。睥睨浮雲三殿曉。杳  
愔落月九天寒。宮花寂寂啼黃鳥。御柳深深隱畫欄。裘馬  
京華零落盡。鐵冠高卧有誰彈。

寒食雜作同錢二不識賦

親朋亂後幾人存。湖海交情酒後論。今古文章多薄命。江關詞賦半招魂。王孫一飯誰知己。漂母千金敢報恩。曾作信陵珠履客。幾回慟哭大梁門。

悽惋

感舊

蘆荻臨風故壘殘。飄零湖海又春闌。子胥江上吹簫苦。如意堂前擊筑寒。雲淨平沙連碧浦。樓空斜月上朱欄。孟嘗賓客隨煙草。更向誰門倚鉢彈。

天然秀雅

題崑山水月殿

鷲嶺岿峩谷水陰。崑山迢遞快登臨。始知靈運尋山意。猶是曇摩泛海心。古寺松聲清磬遠。寒潭雁影碧雲深。青絲

天棘風流在。如見當年祇樹林。

由丹陽入京

萬里山河拱舊京。楚囚西去淚如傾。斜風衰柳丹陽郭。細雨孤帆白下城。殘夢忽驚三殿報。新愁翻覺一身輕。從軍未遂平生志。遺恨千秋愧請纓。

詠史

英雄草澤氣成雲。烈士遺風恥二君。堪笑士衡歸洛後。何顏更作辯亡文。

附錄

魏學洙

七首

學洙字子敬嘉善人贈太常卿忠節公大中子爲諸

生好學工文有至性天啟五年忠節死璫禍哀毀而卒鄉人私謚孝烈先生有茆簷集八卷

朱錫鬯曰魏忠節公被逮日天大雷電子敬徒跣攀號請隨行公謂曰覆巢豈有完卵父子俱死無益也子敬乃微服緹騎後探起居抵國門邏卒四布乃變姓名匿都市營救不可得公旣斃獄扶櫬歸朝夕躡踊未嘗一入寢室淚盡唇焦家人捧水漿以進却之曰吾父詔獄中孰夜半而進之漿者病且革進以藥則又却之曰吾父詔獄中孰診視而進之藥者歷數旬而哀毀死矣思陵卽阼朝士上聞於朝以是海內稱爲孝子大學士同里錢公士升序其集云子敬之

志父存則不獨死。父死則不獨生。是誠孝子之知己矣。當甲子秋。忠節掌吏垣。以激濁揚清爲己任。天下仰望太平子敬。獨私憂之。歎曰。無根之草。其能久乎。物不可以終通。天殆蘊隆正人之毒。而速之感也。未暮而禍作。人服其識。

汪端論曰。子敬不以詩名。然其詩情兼雅。怨氣骨清。蒼非至性過人。不能道隻字。亟宜表而出之。其年輩前於節愍。而忠孝心跡殊途。同歸故以附於節愍。後長水怨。

妾家住長水。長水東西流。青青湖畔柳。迢迢湖上樓。十三學釵書。十四工箜篌。十五臨牕繡。精妙世無儔。翩翩少年

子窈窕行相求。借問樓上女。可似羅敷不。里嫗前致辭。願  
君且淹留。美人好顏色。終日樓上頭。兼之臨牕繡。精妙世  
無儔。君子謬垂盼。聞言中心喜。語我長者行。同聲謂應爾。  
郎君美風度。玉樹蒹葭倚。十九渡長江。聲名若江水。好花  
不獨榮。天生合連理。行行隨君去。默默思故里。牽帷幾回  
喚。低眉羞欲死。臨鏡貼花鈿。可憐體無比。紗牕春日午。脉  
脉情何已。憶我在家時。拈香繡大士。金刀剪素綾。瑩瑩白  
於紙。刺成蓮花葉。彷彿香風吹。香風吹入夢。夢到蓮花池。  
繡痕細難識。但覺生蛾眉。靜玩坐逾久。忽忽心自疑。似曾  
親見佛。不知身是誰。綾額尙餘尺。皚皚冰雪姿。淡濡碧玉  
毫。邀郎爲題詩。郎書擬右軍。妾心亦委婉。鍼鋒與筆意。曲

折隨郎轉。繡罷持似君。秀色堪舒卷。顧我每微笑。妾顏先  
白醜。落地爲女子。可憐側室難。陡然一回想。心事慘不歡。  
雖復蒙君憐。鮫綃恒不乾。大婦貴家女。妾身臧獲看。上堂  
伺音聲。下堂候顏色。含羞入空房。惻惻潛相憶。雖然潛相  
憶。無用長太息。誠得君子懽。不怨長離隔。大婦奄逝世。一  
家身獨當。漂蕩若浮萍。隨君流四方。南都復北都。終歲長  
道旁。黃金散欲盡。不思歸故鄉。壯志在四海。妾心暗悲傷。  
君怯不勝衣。年來益憔悴。十日九臥病。奄奄滯旅次。妾首  
如飛蓬。并日忘食事。上無姑嫜親。下無得力婢。旋出又旋  
入。常恐呼不至。憂勞填胸臆。刺刺肝腸碎。歲月漸消耗。妾  
身亦不支。帶圍日趨緩。空復存腰肢。事君垂十載。不一生。



男兒羞佩宜男草。悵然心中悲。君嘗兩畜婢。中道旋棄之。  
妾身非不容。君自輕別離。暮春三月盡。束裝謀南歸。買舟  
僅如葉。帷幕不得施。長夜泊豐草。巨蚊攢冰肌。生小長閨  
閣。辛苦實難爲。入秋弛行李。僦人樓上居。小姑家海濱。聞  
之亦來依。雖非久居計。氣息聊得舒。良人忽生心。娶婦支  
門閭。隨珠飾翠幃。黃金飾綺疏。紅羅複斗帳。寶馬七香車。  
今日媒妁來。東鄰有美姝。明日媒妁來。西家有西施。妾身  
匪木石。焉得不孤悽。對鏡影如削。安敢生言辭。禮數任頽  
頽。難比先孃時。新人入門來。灼灼豔威儀。二九頗不足。二  
八頗有餘。女伴覩鸞幃。嘖嘖相嗟咨。君心愛幸絕。迴與舊  
人殊。非必顏色殊。新舊自相渝。新人哭亦妍。舊人笑不如。

孤房過慰藉。眄睐聊斯須。情知心不存。詞說空爾爲。新昏  
浹旬日。忽作南都遊。俗語莫空房。挽衣不能留。新人暫歸  
寧。登車去。由由妾身姊。爲母同君亦。登舟耳縮雙。明月墮  
髻垂金塗。飄飄蕩湘裙。色如安石榴。輕盈作纖步。翩若雲  
端遊。鄰女相擁簇。朱顏自生羞。十年方得歸。一喜還一愁。  
顧君色悽慘。何用心恟恟。莫非眷新昏。懷此離索憂。千喚  
不一答。默默自低頭。舟行到長水。妾自還家裏。親戚往邀  
君。君固不肯起。詰朝云解維。舟中須盤桓。勿用再往返。各  
使中心安。恐君塗上寒。幅巾裁合歡。恐君塗上饑。烘栗盈  
朱盤。木落霜露急。勿使衣裳單。千語囑奚兒。勸君幸加餐。  
平明奚兒至。顏色驟驚顫。向前往叩問。淚流先被面。郎君

乞致辭。此生勿相見。十年恩愛深。謝卿重依戀。奈卿久專  
妒。會見中情變。不如痛割絕。免使腸輪轉。妾身得聞之。狂  
頓摧心肝。天乎我何辜。天乎真無端。雖在夢魂中。不料遭  
弃捐。恨無晨風翼。迅駛追君船。淚珠千萬斛。那得飛君前。  
牽衣一慟哭。身死妾亦甘。縱然被驅遣。曷不先一言。一去  
永決絕。何處鳴煩冤。自從入君門。歷今垂十年。雖彼雞與  
犬。亦當念周旋。如何鐵石人。一絕弗復憐。椎胸胸血嘔。委  
身赴清水。骨肉痛如割。黽勉相救止。姊恩父母深。我生不  
如死。尙冀南都還。重來過吾里。性行吾熟知。茲望殆已矣。  
昔年別兩妾。我淚揮不止。誰料行及身。苦境苦如此。嗚呼。  
倉浪天。茲恨何日已。新人入我門。繡帷長日垂。依稀覩容

貌猶未通言詞臨行詳睇視恰在登車時蚤知生死隔揮  
淚一致辭念與小姑別淚落如連珠妾初進門來小姑九  
歲餘探懷索果餌髮亂呼我梳今來已成婦骨肉情依依  
長別不一語腸斷當何如我有兩了鬟事我五六年大者  
髮覆額小者亦比肩晨興聽呼喚夜深候我眠而今永隔  
別涕泗紛潺湲平時解思我料爾當亦然掩淚入房來牕  
前見鍼帖殘絲與剩綫寸寸皆儂血向日入君目從今長  
斷絕委婉隨郎心郎心太曲折忽見大士像不覺淚滂沱  
稽首乞慈悲妾身竟如何今生無罪過宿生愆怨多安得  
轉君心春風被女蘿君心終不回不如赴長河稽首乞慈  
悲再拜涕漣漉不望重聚首但願相見時雨落不上天一

見知何期。婦人失夫心。百念無可爲。但願新人歡。爲君生男兒。更念孱弱身。疾苦不相離。舊人識君性。新人安得知。十年守窮賤。心事多苦悲。願君振高翮。及時凌風飛。妾身長已矣。相見知何期。一字一嗚咽。行道皆酸悽。朱近修云源出孔雀

東南飛作而不盡規撫字句才氣無前

### 擬古

游思隨飄風。遠歷杜陵道。道旁合歡花。悉成斷腸草。紅顏不堪駐。妾愁君亦老。爲樂逮良辰。歸來何不早。人生數離別。百年非壽考。擾忙風塵中。榮名詎爲寶。溫厚蘊藉漢魏遺音

所思不可見。彈古相思曲。曲中竟何言。理短情自促。野卉非不香。采之徒躑躅。今日白頭吟。昨日黃金屋。

讀史

魯仲連

鄙夫寧一身。身外匪所計。有如魏帝秦。何與魯連事。先生獨倜儻。慷慨決大義。白日走秦兵。誠哉天下士。

荆軻

蕭蕭易水波。日晏客未至。十三死灰兒。勉強共大計。坐中擊筑人。何不克秦使。田光死也。饒於期死也。贄空死一無酬。烈士喪英氣。願逐酒人遊。哭盡不平事。

諸葛亮

受託誠不易。知人良獨難。南陽比子房。誰爲鄼與韓。將相兼簿書。心中多苦酸。十出九空歸。一身亦凋殘。爲君歌梁

父中夜發長歎。

九日同嚴知章澹如兄弟遊茶磨山

我來松陵尋好友。到門恰值九月九。主人大笑攜上船。船頭載花腹載酒。舟子勸上姑蘇臺。衆客首肯我獨否。青山宜作生面觀。耳目熟爛妍亦醜。但問誰家富修竹。我船便纜堤上柳。布帆直指吳山陲。起覽奇蹟竟何有。洞庭縹緲波雲沉。彷彿頑沙卧千畝。細雨斜侵濕布袍。放船倒出蓮花漣。上方樹杪插浮圖。石湖湖光照戶牖。隔林前度茶磨山。共約聽歌到申酉。驟觀山石勢頗仄。愁無平壤安杯斝。斯須簫管咽流雲。畫船別駐清溪口。蘆花楓葉舞涼風。豈必美人垂素手。同來伴侶大叫絕。私喜茲懼良不苟。寒蒲

縛蟹一十輩。烏巾注酒七八斗。酒酣不厭觴。令酷衆人或

辭我輒受。推牕更問曠與晴。皎月若出當坐守。

朱笠亭云中間寫尋

勝一段淋漓盡致姑蘇洞庭一齊抹倒膽識橫絕

劉孔和 六首

孔和字節之山東長山人大學士鴻訓子少儻好談兵慕陳亮辛棄疾之爲人文章豪邁詩尤奇恣崇禎甲申三月起兵長白山中率衆南下忤劉澤清被害年三十一有日損堂詩集練要堂文集

王貽上曰劉節之王遵坦二人皆負氣跣地相交善

王居桑谷劉居長白並有林泉之美崇禎間見天下

將亂散財結客甲申歲節之殺闖賊僞令率精騎萬



人南赴金陵至淮陰以兵屬劉澤清澤清與節之素  
交好時爲藩鎮貴重無比然好爲詩一日大會賓客  
廣坐朗吟衆交口譽之節之仰視獨無語強問之曰  
公誠名將才然此事定復不急澤清怒罷酒賓佐皆  
惶懼失次節之傲然而出澤清益怒遣壯士追及舟  
中拉殺之一軍大譁散歸已而金陵以爲副總兵官  
則節之死數日矣嘗有贈王詩云都無殺者黃江夏  
豈有食之嚴鄭公後竟死澤清手與黃祖事絕類云  
又曰節之詩雄邁豪放有東坡放翁之風一代奇才  
也

雜諷

少陵詩竭情右軍書趁媚。譬如今雅琴。乃是古鄭衛。軒燧  
久不作。紛紛弄文筆。此語固頗高。何以處衰季。多巧傷元  
化。僞古愈堪畏。強擬皇娥篇。勦取岫嶁字。不如求真至。辛  
澹皆可味。王貽上云  
旨哉言乎

與邱將軍話舊兼爲手談

按邱名磊有才名積功至  
總兵後亦爲澤清所害

伏生之里大將出生來。所志唯馬革。幕中已多指。眎功疆  
場血戰不勝筆。堪嗟再謁典。連敖不知三世還。執戟別君  
十載一瞬間。歷盡鋒鏑與桎梏。背貴那可入韓罪。睛白聊  
足嘲吳刻。多君談笑貫索中。坐待明光銷蠹蝕。昨聞廣武  
拜軍師。聖主懷邦丈人吉。如今驅戰真市人。聒聒怒蛙誰  
與軼。願君橫臂障東海。莫教鄉梓生荆棘。安有健婦把犁

鋤但見春林巢。小鳥從來攘外必內安。隱憂不在河北賊。  
夜涼浮白戒談事。更向局中問規急。已知文禕能辨賊。不  
待當場辨白黑。賢君斂手推棊枰。論兵艾艾終羞吃。滅敵  
料應如覆局。沙場不使還一匹。君功自得勒燕然。我詩空  
須錦罽織。節之慷慨從軍所志未遂卒死悍鎮之  
手讀此想見其忠憤激發目空一切

凡劍行

凡劍斷牛不斷鼠。何況吳江三尺水。虎豹驚啼狐狸笑。光  
懾人間兒女子。赤堇不開歐冶去。十年精鐵誇僂傀。白日  
燄燄吹晶光。玉石金鐔修飾美。漫理幾經鷺鷥淬。雙臘猶  
疑湛清泚。何須蜚景與揮精。能陪老俠峯濤裏。於今匣底  
罹蛛絲。空思一抉浮雲起。老俠拭之發長涕。心傷微弱如

吾爾力所難制神爲徒。嗟爾凡劍英鋒止。泰山不見雷不聞。一髮掩眸豆充耳。羿能射日不射月。古來壯氣消牀第。猿公之竹曹之蔗。怪爾依然草木比。夜深燈暗鳴吾屋。不復飛騰願終伏。淒淒何必動星文。蝕盡土花秋雨綠。

讀史仲彬遜國致身錄感賦

明初殺運烈不除。越三十載還相屠。以仁守之真不足。雖有節士謀多疎。哀哉中山誠意輩。已盡大計環顧徒。嗟吁聖祖信數不建輔。使作皇覺之裔餘。鬼門一出四十載。歸來老佛惟雪顱。竄身萬里次滇國。泰伯不得終封吳。歿葬西山一笏地。豈有方遂之疑乎。當時二十有二人。左右食屢相攜扶。未必才智似狐趙。不可及者武子愚。一百餘年。

士最盛。摧傷太過。今如無干。秋直史不可滅。帝在均房。應

屢書。澄懷按致身錄之偽竹垞稼堂諸公辯之甚力。然革除一案千古公憤節之。此詩詞嚴格正。可與汪于鼎

鐵券歎建文鐘歌並傳故屬允莊錄之

### 過訪幼量書圃

堦前修竹綠成林。侍子清朝拊素琴。聽盡明光三十段。碧池涼雨一時深。

### 題趙吳興畫

秋宮肅肅古衣裳。靜女無愁黛亦蒼。不點疎螢和月色。緝頭已作百年涼。

### 吳騏二十三首

騏字日千。華亭人。幼有神童之目。讀書過目成誦。爲

諸生以詩文受知於陳忠裕夏忠節兩公家故貧事  
親至孝乙酉松城兵燹父遇兵傷左臂創甚遂棄諸  
生杜門奉侍親喪哀毀嘔血時人賢之明亡絕意進  
取屏跡荒僻不求人知自號九峰遺黎間作詩文輒  
棄去兵後困頓不一嘗遇盜者再身墮水者三火焚  
廬者再隆冬恒御單裕志不少衰康熙中同里某分  
修明史日干貽之書畧曰知執事撰先朝景帝本紀  
伏惟景帝功在社稷而當時實錄取媚英廟遂於景  
帝極其訾讟夫景帝雖藩支然以高帝視之此安我  
宗廟者也若以景帝比宋太宗則事勢難易懸殊然  
而徐正遠戍於鐵嶺青宮迥異於德昭景帝之遠勝

於宋太宗明矣宋儒尙不貶太宗則景帝豈可輕議乎仰惟濬發幽光不勝翹企又先朝鄉先達張慎齋名祚以侍御外轉廣西僉憲佐韓襄毅轉餉盡瘁襄毅果於殺戮而慎齋多方營解全活甚衆今縱不得立傳或於襄毅傳中畧附數語幸爲留意督師袁崇煥坐叛逆受極刑當時不知其說所從來後讀范文肅公行狀始知崇煥之死乃文肅之反間也陳平之勲已彰於六出亞父之枉宜白於九京相國錢機山以逆案一書成於其手奸黨銜之刺骨坐與崇煥同叛擬大辟思陵云謂龍錫爲叛必不其然思陵之明不可沒也凡數百餘言其表揚潛德如此卒年七十

六康熙乙亥也其詩名頗頌集皆出友人所甄錄

朱錫鬯曰日干詩力崇正始沉厚不佻

汪端論曰日干詩於蒼涼古直之中極沉鬱頓挫之

致蓋親炙大樽而不盡沿其派者同郡李

叟宋徵輿

輩名居其上才調出處均遜之矣

送別陳皇士王雙白施又王

西風吹孤鴈嗷嗷多哀音張燈對離觴愁思故難任與君

雖異縣纏綿結中心願采芙蓉花爲君製衣襟願琢荆山

玉爲君備華簪願折若木枝爲君斲鳴琴微誠苦未致驪

駒何駸駸疎星燦河漢殘月下北林攜手立斯須厚意比

兼金相思各自喻滄海未云深哲人重名節歲寒心所欽



高義良不渝。在遠匪難謀。

戽水歌

東南風急大麥枯。秧田夜夜鳴蝸蛄。隣農相約共戽水。未及四鼓來喧呼。河港淺隘潮信小。待得天曉水已無。披衣躡屨急趨出。呶啞遠近聞轆轤。明星滿天爭唱歌。脚根騰踏忘勤劬。東方漸動日欲出。白榆樹上啼慈烏。歸來饑倦汗濡縷。瓦壺麥粥甜如乳。掃場曬麥日欲午。旋割蘆芽餵童牯。木棉衣衫着不得。無錢買葛空嘆息。

神似張王樂府

贈林曰武

曾侍梁王宴。遨遊已倦歸。暮年詞賦少。薄產荳苗稀。世俗輕黃髮。知交念布衣。橫雲山下路。朝夕看雲飛。

輓呂臞仙母吳氏

戶部繩如先生女也  
甲申聞變自縊死

早歲失君子。冰霜三十年。寒燈背風雨。塵土滿釵鈿。九廟  
今安在。餘生敢自憐。殷勤囑陶侃。努力向幽燕。

社稷有今日。諸公將謂何。自慙弱女子。無力障狂波。窀穸  
歸何恨。衣冠事尚多。淮南四大帥。幾日渡黃河。

奇女子得  
奇作傳之

### 中秋

四序平分日。清秋獨可傷。萬方多難後。永夜共相望。積水  
生寒露。空天炫海光。故都諸父老。應照鬢如霜。

### 春感

自有東風動暮寒。更無遲日到欄干。震雷胡雪相兼至。岸  
柳江梅次第殘。慟哭虛傳河右表。謳吟猶望鄱南壇。山川

風景今何似。獨上高樓極目看。

漢皇陵寢鍾山上。珪瓊年年事祝釐。永夜羣靈朝虎帳。有時陰晦見龍旗。青銅溜雨千章木。碧瓦含風百尺基。七載不窺松柏路。夢中瞻拜重淒其。

寒食東風草樹稠。富林夙昔想同遊。銜杯晝永花臨戶。論易宵分月上樓。四海無人藏複壁。千秋遺恨託江流。生芻麥飯俱寥寂。落日荒原哭太邱。此詩亦悼陳忠裕作

元卿削跡滯天涯。卉物傷心改歲華。城下釣竿誰進食。市中胡餅久無家。蛟龍水潤魂難度。鴻雁春歸信轉賒。生死交情如隔世。不勝清淚灑殘花。

鹿門草堂宴集分詠

漢高一

武媪壚頭酒未闌。醉中斜戴竹皮冠。秦皇東望驚雲氣。神  
母西來哭夜寒。萬里冥鴻懷綺夏。一時烹狗負彭韓。未央  
上壽真無賴。脫得杯羹且盡歡。

漢昭烈

名儒盧鄭久周旋。正值黃星受命年。蛇劍已移三統曆。蠶  
叢還闕半隅天。金甌付託耕莘佐。玉几彌留顧命篇。一代  
英雄生死際。銅臺遺令最堪憐。沈確士云足令老瞞媿死

唐文皇

風雲慘澹羣龍鬪。年少真人起晉陽。屈指生擒數天子。揮  
毫閑寫十三行。星移太白廻宸極。日照高昌散雪霜。天寶

倦勤慙祖烈。却憐花萼獨輝煌。三詩子奪森嚴不爽  
錄忝可稱漢廷老吏

寄懷金天石

故人落莫依江海。遠賦新詩慰寂寥。天下幾人能隱遯。漢家九鼎賴漁樵。煙疎檜柏停春雨。水黑蛟龍起暮潮。憶爾臨風空佇立。綠楊飛絮滿河橋。三四自  
負不淺

中秋

叢桂秋風冷洞房。徘徊紈扇攬流光。緯珠半捲飛烏鵲。橫玉哀音繞鳳凰。江水青楓堪極目。離宮白露已霑裳。昔年明月曾如此。歌舞迴憐夜未央。

感懷時事寄計子山陸孝曾

十月寒風急。浮雲暗大荒。客行愁道路。時事慮蕭牆。薊北

非吾土。秦中亦異鄉。空憂天欲墜。未見日重光。廟畧慚靈武。軍聲謝朔方。元臣誇定策。列帥許勤王。好爵娛姻婭。官評視篚筐。簾編青鳥骨。玉斲辟邪香。冠蓋晨先集。笙歌夜未央。冰蠶裁寶帳。墮馬鬪新妝。營窟謀初遂。憑城氣轉揚。荆牛烹可待。國狗噬何狂。鐵券封蘇峻。丹書錫董昌。年年謁東杼。夜夜出南塘。敵愾皆鼯鼠。端居卽虎狼。至尊容桀鵠。羣醜益鴟張。百里無煙火。千家絕稻粱。軍行咸擁婦。鬼哭暗聞殤。朽索饑難馭。開籠飽欲颺。先須憂輦轂。莫道劃清漳。每作虬蟲鬪。深虞鷓蚌亡。內睽戎伏莽。外侮剝侵牀。劇盜鋒稍遠。函關勢尙強。霧迷黃帝陣。彗集紫薇房。庸蜀稱艱險。江山近毀傷。倉皇逃吏卒。笑語下荆襄。造次分旌

節安危作棟樑。諸公咸倚重。我意獨徬徨。厚寵雖三錫。雄圖愧一匡。藩籬殊未固。肘腋况難防。邯敗惟降楚。溫強且叛唐。養蛇將螫手。筦庫遂探囊。反覆前堪鑒。陵夷後必殃。終當迷白日。何不戒清霜。下士栖蓬室。無因叫帝閭。詩題蕉葉徧。風到葛衣涼。濁酒漓難醉。悲歌激不妨。愁來尋夢寐。亂後廢文章。天路何修阻。洪流正渺茫。私心圖國是。未敢告明堂。同社多英俊。居貧更慨慷。計倪胸府庫。陸賈筆琳琅。野雀栖無地。潛龍鬱有芒。華陰終拂拭。霄漢自飛翔。壯志清河雒。交情重太行。風濤爲砥柱。冰雪見松篁。縱使三靈改。無移百鍊鋼。累朝皆重士。努力報高皇。

沈確士云此亦留都

寔錄也閻王無愁羣姦障蔽強藩跋扈生民塗炭作者痛哭言之激於板蕩之意矣

題畫蘭

幽蘭雖芬芳。靈均自憔悴。三戶寂無人。託根在何地。卽南

寫蘭去  
土意

茂陵

茂陵枯柏自嶢峴。露重珠襦馬上寒。獨與銅人相對哭。淒涼殘月下金盤。

宮人斜

鏡面銅花雜翠緋。步搖零落散珠璣。紅衫化盡雙蝴蝶。自採梧桐製舞衣。哀感頑艷不  
數鮑家之唱

少年行

下馬同傾酒一樽。侍兒七首割蒸豚。生平不著黃金甲。醉



袒貂裘。數箭痕。

紅玉鞍橋碧玉驄。樂遊原上柳絲風。詔求季布今何處。只在三千奴僕中。

趙子昂畫馬爲宋繩謨題

遠涉流沙入漢宮。長鳴閭闔歎涼風。王孫本是天閑種。却入蒲梢外廐中。

書李舒章詩後

胡笳曲就聲多怨。破鏡詩成意自慙。庾信文章真健筆。可憐江北望江南。

沈確士云惜其清才哀其遭遇言下無限低徊

謝山北望

其舊世言平無其地

附帶曲線卷之八 鄭勉在九款自撰魂詩文章其類皆在

舊李習章補文

大蕭州水洲中

彭斯而後天英宮昇御關國精察風王冠本其大州將派

彭平州其風其宋辭如風

其三十其州中

其士對而民王與樂也原才也其風其志其其其其其其

其其其其其其